

四庫全書

子部

欽定四庫全書

子部
類經卷八

詳校官太醫院八品吏目臣黃發

編修臣倉聖脈覆勘

總校官知縣臣楊懋珩

校對官中書臣范來宗

謄錄監生臣龔果

欽定四庫全書

類經卷八

明 張介賓 撰

經絡類

三經獨動

靈樞動輸篇
全曰十三

黃帝曰經脉十二而手太陰足少陰陽明獨動不休何

也

手足之脉共十二經然惟手太陰足少陰足陽明三經獨多動脉而三經之脉則手太陰之太淵足少陰

之太谿足陽明上則人迎下則衝陽皆動之尤甚者也

岐伯曰是明胃脉也胃為

五藏六府之海其清氣上注於肺肺氣從太陰而行之

其行也以息往來故人一呼脉再動一吸脉亦再動呼

吸不已故動而不止

是明胃脉者言三經之動皆因於胃氣也胃為五藏六府之海其盛

氣所及故動則獨甚此手太陰之脉動者以胃受水穀而清氣上注於肺肺氣從手太陰經而行之其行也以息往來息行則脉動故呼吸不已而寸口之脉亦動而不止也黃帝曰氣之過於寸口

也上十焉息下八焉伏何道從還不知其極

寸口手太陰脉也上

下言進退之勢也十八喻盛衰之形也焉何也息生長也上十焉息言脉之進也其氣盛何所來而生也下八焉伏言脉之退也其氣衰何所去而伏也此其往還之道真若有難窮其極者岐伯曰氣之離

藏也卒然如弓弩之發如水之下岸上於魚以反衰其

餘氣衰散以逆上故其行微

凡脉氣之內發於藏外達於經其卒然如弓弩之發

如水之下岸言其勁銳之氣不可遏也然強弩之末其力必柔急流之末其勢必緩故脉由寸口以上魚際盛而反衰其餘氣以衰散之勢而逆上故其行微此脉氣之盛衰所以不等也

○黃帝曰足之

陽明何因而動

胃經脉也

岐伯曰胃氣上注於肺其悍氣上

衝頭者循咽上走空竅循眼系入絡腦出頤下客主人

循牙車合陽明并下人迎此胃氣別走於陽明者也

胃氣

上注於肺而其悍氣之上頭者循咽喉上行從眼系入絡腦出頤下會於足少陽之客主人以及牙車乃合於陽明之本經并下人迎之動脉此內為胃氣之所發而外為陽明之動也

○按牙車即曲牙當是頰車也頤之

釋義云饑而面黃色乃與經音不相合今據本經所言如雜病篇曰顛痛刺足陽明曲周動脈見血立已癲狂篇治狂者取頭兩顛蓋皆言頭面之部位也此節言自腦出顛下客主人則此當在腦之下鬢之前客主人之上其即鬢骨之上兩太陽之間為顛也。顛音坎又海敢切

故陰陽上下其動也若

一故陽病而陽脈小者為逆陰病而陰脈大者為逆故

陰陽俱靜俱動若引繩相傾者病

此云陰陽上下者統上文手太陽而言也

蓋胃氣上注於肺本出一原雖胃為陽明脈上出於人迎肺為太陰脈下出於寸口而其氣本相貫故彼此之動其應若一也然人迎屬府為陽陽病則陽脈宜大而反小者為逆寸口屬藏為陰陰病則陰脈宜小而反大者為逆故四時氣篇曰氣口候陰人迎候陽也是以陰陽大小脈各有體設陰陽不分而或為俱靜或為俱動

若引繩之勻者則其陰陽之氣非此則彼必有偏傾○
而致病者矣人迎氣口陰陽詳義見藏象類十一

黃帝曰足少陰何因而動

腎經脉也

岐伯曰衝脉者十二經

之海也與少陰之大絡起於腎下出於氣街循陰股內

廉邪入膕中循脛骨內廉並少陰之經下入內踝之後

入足下其別者邪入踝出屬跗上入大指之間注諸絡

以溫足脛此脉之常動者也

足少陰之脉動者以衝脉與之並行也衝脉亦十二

經之海與少陰之絡同起於腎下出於足陽明之氣衝循陰股膕中內踝等處以入足下其別者邪出屬跗上

注諸絡以溫足脛此太谿等脉所以常動不已黃帝曰
也○此節與逆順肥瘦篇大同詳鍼刺類二十

營衛之行也上下相貫如環之無端今有其卒然遇邪

氣及逢大寒手足懈惰其脉陰陽之道相輸之會行相

失也氣何由還

營衛之行陰陽有度若邪氣居之則其運行之道宜相失也又何能往還不絕

因問其故

岐伯曰夫四末陰陽之會者此氣之大絡也四街

者氣之徑路也故絡絕則徑通四末解則氣從合相輸

如環黃帝曰善此所謂如環無端莫知其紀終而復始

此之謂也

四末四支也十二經皆終始於四支故曰陰陽之會而為氣之大絡也然大絡雖會於四

支復有氣行之徑路謂之四街如前篇所謂氣街者是也凡邪之中人多在大絡故絡絕則徑通及邪已行而

四末解彼絕此通氣從而合迴還轉輸何能相失此所以如環無端莫知其紀也

井榮膺經合數

靈樞九鍼十二原篇○十四

黃帝曰願聞五藏六府所出之處

言脉氣所出之處也

岐伯曰五

藏五膺五五二十五膺六府六膺六六三十六膺

五膺即各

經井榮膺經合穴皆謂之膺六府復多一原穴故各有六膺

經脉十二絡脉十五凡

二十七氣以上下

藏有五府有六而復有手厥陰心主一經是為十二經十二經各有絡脉

如手太陰別絡在列缺之類是也

此外又有任脉之絡曰屏翳督脉之絡曰長強脾之大絡曰大包共為十五

絡十二十五總二十七氣以通周身上下也

所出為井

脉氣由此而出如井泉之發其氣正深也

所溜為榮

急流曰溜。小水曰榮。脉出於井而溜於榮。其氣尚微也。溜力救切。榮盈榮二音。

所

注為腧

注灌注也。腧輸運也。脉注於此而輸於彼。其氣漸盛也。

所行為經

脉氣大

於此其正盛也

所入為合

脉氣至此漸為收藏而入合於內也。

二十七氣所行皆

在五腧也

二十七經絡所行之氣皆在五腧之間也。

節之交三百六十五會

知其要者一言而終不知其要流散無窮

人身氣節之交雖有三百

六十五會而其要則在乎五腧而已。故知其要則可一言而終。否則流散無窮而莫得其緒矣。

所言節

者神氣之所遊行出入也非皮肉筋骨也

神氣之所遊行出入者以

穴俞為言也。故非皮肉筋骨之謂。知邪正之虛實而取之。弗失即所謂知要也。○小鍼解曰。節之交三百六十

五會者絡脉之滲灌諸節者也即此神氣之義

十二原

靈樞九鍼十二原篇○十五

五藏有六府六府有十二原十二原出於四關四關主

治五藏五藏有疾當取之十二原

藏府之氣表裏相通故五藏之表有六府

六府之外有十二原十二原出於四關四關者即兩肘兩膝乃周身骨節之大關也故凡井榮腧原經合穴皆手不過肘足不過膝而此十二原者五藏之所以稟

三百六十五節氣味也五藏有疾也應出十二原十二

原各有所出明知其原覩其應而知五藏之害矣

此十二原

者乃五藏之氣所注三百六十五節氣味之所出也故五藏有疾者其氣必應於十二原而各有所出知其原觀其應則可知五藏之疾為害矣

陽中之少陰肺也其原出於大淵大

淵二

故曰少陰其原出於大淵二穴即寸口也

陽中

之太陽心也其原出於大陵大陵二

曰太陽其原出於

大陵按大陵係手厥陰心主膻穴也邪容篇帝曰手少陰之脉獨無腧何也岐伯曰少陰心脉也心者五藏六府之大主也精神之所舍也其藏堅固邪弗能容也容之則心傷心傷則神去神去則死矣故諸邪之在於心者皆在於心之包絡包絡者心主之脉故此言大陵也大陵二穴在掌後骨下兩筋間

陰中之少

陽肝也其原出於太衝太衝二

肝脾腎居於膈下皆為陰藏而肝則陰中之陽

故曰少陽其原出於太衝二穴在足大指本節後二寸動脈陷中陰中之至陰脾也其

原出於太白太白二

脾屬土而象地故為陰中之至陰其原出於太白二穴在足大指後

內側核骨下陷中陰中之太陰腎也其原出於太谿太谿二

腎

下而屬水故為陰中之太陰其原出於太谿二穴在足內踝後跟骨上動脈陷中○此上五臟陰陽詳義又見

陰陽類五膏之原出於鳩尾鳩尾一

鳩尾任脈穴在臆前蔽骨下五分

育之

原出於臍臍臍一

臍臍即下氣海一名下育在臍下一寸半任脈穴○臍音孛臍音英

凡此十二原者主治五臟六府之有疾者也

上文五臟之原各二

并膏育之原共為十二而臟府表裏之氣皆通於此故可以治五臟六府之有疾者也

五藏五腧六府六腧

靈樞本輸篇○十六

黃帝問於岐伯曰凡刺之道必通十二經絡之所終始

謂如十二經脉之起止有序也

絡脉之所別處

如十五絡脉各有別也

五輸之所

留

如下文并榮腧經合穴各有所留止也

六府之所與合

如藏象類藏府有相合也

四時

之所出入

如鍼刺類四時之刺也

五藏之所溜處

言藏氣所流之處即前篇所出

為井所溜為榮也

闊數之度淺深之狀高下所至願聞其解

問數

以察巨細淺深以分表裏高下以辨本末凡此者皆刺家之要道不可不通者也

岐伯曰請言

其次也○肺出於少商少商者手大指端內側也為

井木

凡少商穴乃肺經脉氣所出為井也其氣屬木此下

也溜於魚際魚際者手魚也為榮

此肺之所溜為榮也屬陰火手魚義詳前

二肺經條下。按本篇五藏止言井木六府止言井金其他皆無五行之分考之六十四難分析陰陽十變而

滑氏詳注謂陰井木生陰榮火陰榮火生陰俞土陰俞土生陰經金陰經金生陰合水此言五藏之俞也六府

則陽井屬金陽井金生陽榮水陽榮水生陽俞木陽俞木生陽經火陽經火生陽合土而五行始備矣下放此

注於太淵太淵魚後一寸陷者中也為腧

此肺經之所注為腧也屬

陰土行於經渠經渠寸口中也動而不居為經

此肺經之所行為經

也屬陰金經渠當寸口陷中入於尺澤尺澤肘中之動

脉也為合

此肺經所入為合也屬陰水

手太陰經也

以上肺之五腧皆手太陰經也

○心出於中衝中衝手中指之端也為井木

此心主之所出為井

也屬陰木○按此下五腧皆屬手厥陰之穴而本經直指為心腧者正以心與心胞本同一藏其氣相通皆心

所主故諸邪之在於心者皆在於心之包絡包絡者心主之脉也邪客篇曰手少陰之脉獨無腧正此之謂詳

義見前章及圖翼四卷十二原解中溜於勞宮勞宮掌中中指本節之內

間也為榮

此心主之所溜為榮也屬陰火

注於大陵大陵掌後兩骨之

間方下者也為腧

此心主之所注為腧也屬陰土方下謂正當兩骨之下也

行於間

使間使之道兩筋之間三寸之中也有過則至無過則

止為經

此心主之所行為經也屬陰金有過有病也此脉有病則至無病則止也

入於曲澤

曲澤肘內廉下陷者之中也屈而得之為合

此心主之所入為合

也屬陰水手少陰也

以上心主五腧皆心所主故曰手少陰也

○肝出於大敦大

敦者足大指之端及三毛之中也為井木

此肝經之所出為井也屬

陰木溜於行間行間足大指間也為榮

此肝經之所溜為榮也屬陰火注

於太衝太衝行間上二寸陷者之中也為腧

此肝經之所注為腧

也屬陰土行於中封中封內踝之前一寸半陷者之中使逆

則宛使和則通搖足而得之為經

此肝經之所行為經也屬陰金使逆則宛

使和則通言用鍼治此者逆其氣則鬱和其氣則通也。○宛鬱同。

入於曲泉曲泉輔骨

之下大筋之上也屈膝而得之為合

此肝經之所入為合也屬陰水足

厥陰也

以上肝之五腧皆足厥陰經也

○脾出於隱白隱白者足大指

之端內側也為井木

此脾經之所出為井也屬陰木

溜於大都大都本

節之後下陷者之中也為榮

此脾經之所溜為榮也屬陰火

注於太白

太白腕骨之下也為腧

此脾經之所注為腧也屬陰土

行於商邱商邱

內踝之下陷者之中也為經

此脾經之所行為經也屬陰金

入於陰之

陵泉陰之陵泉輔骨之下陷者之中也伸而得之為合

此脾經之所入為合也屬陰水

足太陰也

以上脾之五腧皆足太陰經也

○腎出於湧

泉湧泉者足心也為井木

此腎經之所出為井也屬陰木

溜於然谷然

谷然骨之下者也為榮

此腎經之所溜為榮也屬陰火

注於太谿太谿

內踝之後跟骨之上陷中者也為腧

此腎經之所注為腧也屬陰土

行

於復留復留上內踝二寸動而不休為經

此腎經之所行為經也屬

陰金入於陰谷陰谷輔骨之後大筋之下小筋之上也按

之應手屈膝而得之為合

此腎經之所入為合也屬陰水

足少陰經也

以上腎之五腧皆足少陰經也

○膀胱出於至陰至陰者足小指之端

也為井金

此膀胱經所出為井也以下凡六府之井溜皆屬陽金故六十四難謂之陽井金也

溜

於通谷通谷本節之前外側也為榮

此膀胱經所溜為榮也屬陽水

注

於束骨束骨本節之後陷者中也為腧

此膀胱經所注為腧也屬陽木

過於京骨京骨足外側大骨之下為原

本篇惟六府有原而五藏則無

前十二原篇所言五藏之原即本篇五藏之腧然則陰經之腧即原也陽經之原自腧而過本為同氣亦當屬

陽木下放此詳義見圖翼四卷十二原解中

行於崑崙崑崙在外踝之後跟

骨之上為經

此膀胱經所行為經也屬陽火

入於委中委中膕中央為

合委而取之

此膀胱經所入為合也屬陽土

足太陽也

以上膀胱六腧皆足太陽經也

○膽出於竅陰竅陰者足小指次指之端也為井金此膽

經之所出為溜於俠谿俠谿足小指次指之間也為榮

井也屬陽金此膽經之所溜注於臨泣臨泣上行一寸半陷者中也

為膺此膽經之所注過於邱墟邱墟外踝之前下陷者

中也為原此膽經之所過為行於陽輔陽輔外踝之上

輔骨之前及絕骨之端也為經此膽經之所行入於陽

之陵泉陽之陵泉在膝外陷者中也為合伸而得之此膽

經之所入為足少陽也以上膽之六膺○胃出於厲兌

合也屬陽土皆足少陽經也

厲兌者足大指內次指之端也為井金

此胃經之所出為井也屬陽金

溜於內庭內庭次指外間也為榮

此胃經之所溜為榮也屬陽水

陷谷陷谷者上中指內間上行二寸陷者中也為腧

此胃

經之所注為腧也屬陽木

過於衝陽衝陽足跗上五寸陷者中也為

原搖足而得之

此胃經之所過為原也亦當屬木

行於解谿解谿上衝

陽一寸半陷者中也為經

此胃經之所行為經也屬陽火

入於下陵下

陵膝下三寸胛骨外三里也為合

此胃經之所入為合也屬陽土

復下

三里三寸為巨虛上廉復下上廉三寸為巨虛下廉也

大腸屬上小腸屬下足陽明胃脉也大腸小腸皆屬於

胃

三里下三寸為上廉上廉下三寸為下廉大腸屬上廉小腸屬下廉蓋胃為六府之長而大腸小腸皆與

胃連居胃之下氣本一貫故皆屬於胃而其下膺亦合於足陽明經也

是足陽明也

以上皆胃

之膺即足陽明經也

○三焦者上合手少陽出於關衝關衝者手

小指次指之端也為井金

此三焦之所出為井也屬陽金○按諸經皆不言上合而

此下三經獨言之者蓋以三焦并中下而言小腸大腸俱在下而經則屬手故皆言上合某經也

溜於

液門液門小指次指之間也為榮

此三焦之所溜為榮也屬陽水

注於

中渚中渚本節之後陷者中也為膺

此三焦之所注為膺也屬陽水

過

於陽池陽池在腕上陷者之中也為原

此三焦之所過為原也亦屬陽

木行於支溝支溝上腕三寸兩骨之間陷者中也為經

此三焦之所行為經也屬陽火入於天井天井在肘外大骨之上陷者

中也為合屈肘乃得之

此三焦之所入為合也屬陽土

三焦下膺在於

足大指之前少陽之後出於臑中外廉名曰委陽是太

陽絡也

足大指當作足小指蓋小指乃足太陽脈氣所行而三焦下膺則並足太陽經出小指之前上

行也按邪氣藏府病形篇曰三焦病者候在足太陽之

外大絡大絡在太陽少陽之間則此為小指無疑詳鍼刺類二十四〇愚按三焦者雖經屬手少陽而下膺仍

在足可見三焦有上中下之分而通身脉絡無所不在也詳注見藏象類第三及本類後二十三俱當互考

手少陽經也

以上三焦之膻皆手少陽經也

三焦者足少陽太陰之所

將

陽陰二字互謬也當作少陰太陽蓋三焦屬腎與膀胱也義詳藏象類三

太陽之別也上

踝五寸別入貫膈腸出於委陽並太陽之正入絡膀胱

約下焦實則閉癰虛則遺溺遺溺則補之閉癰則寫之

此復言三焦下膻之所行及其所主之病也將領也三焦下膻即足太陽之別絡故自踝上五寸間別入膈腸以出於委陽穴乃並太陽之正脉入絡膀胱以約束下焦而其為病如此○癰良中切溺娘吊切○手

太陽小腸者上合於太陽出於少澤少澤小指之端也

為井金

此小腸經所出為井也屬陽金

溜於前谷前谷在手外廉本節

前陷者中也為榮

此小腸經所溜為榮也屬陽水

注於後谿後谿者在

手外側本節之後也為腧

此小腸經所注為腧也屬陽木

過於腕骨腕

骨在手外側腕骨之前為原

此小腸經所過為原也亦屬陽木

行於陽

谷陽谷在銳骨之下陷者中也為經

此小腸經所行為經也屬陽火

於小海小海在肘內大骨之外去端半寸陷者中也伸

臂而得之為合

此小腸經所入為合也屬陽土

手太陽經也

以上小腸之六腧皆

手太陽經也

大腸上合手陽明出於商陽商陽大指次指

之端也為井金

此大腸經所出為井也屬陽金

溜於本節之前二間為

榮

此大腸經所溜為榮也屬陽水

注於本節之後三間為腧

此大腸經所注為腧

也屬陽木過於合谷合谷在大指歧骨之間為原

此大腸經所過為原

也亦屬陽木

行於陽谿陽谿在兩筋間陷者中也為經

也所行為經也屬陽火

入於曲池在肘外輔骨陷者中屈臂而得之

為合

此大腸經所入為合也屬陽土

手陽明也

以上大腸之六腧皆手陽明經也

是謂

五藏六府之腧五五二十五腧六六三十六腧也

五藏各有

井榮腧經合五穴共計二十五腧六府復多一原穴故共計三十六腧也

六府皆出足之三

陽上合於手者也

凡五藏六府之經藏皆屬陰府皆屬陽雖六府皆屬三陽然各有手足之

分故足有太陽膀胱經則手有太陽小腸經足有陽明胃經則手有陽明大腸經足有少陽膽經則手有少陽三焦經此所謂上合於手者也不惟六府六藏亦然如足有太陰脾經則手有太陰肺經足有少陰腎經則手有少陰心經足有厥陰肝經則手有厥陰心主此藏府陰陽手足皆相半也然其所以分手足者以經行有上下故手經之腧在手足經之腧在足也

脉度

靈樞脉度篇○十七

黃帝曰願聞脉度岐伯荅曰手之六陽從手至頭長五

尺五六三丈

手有三陽以左右言之則為六陽凡後六陰及足之六陰六陽皆放此手太陽起小

指少澤至頭之聽官手陽明起次指商陽至頭之迎香
手少陽起四指關衝至頭之絲竹空六經各長五尺五
六共長
三丈
手之六陰從手至胷中三尺五寸三六一丈八

尺五六三尺合二丈一尺

手太陰起大指少商至胷中
中府手少陰起小指少衝至

胷中極泉手厥陰起中指中衝至胷中天池各長三尺
五寸六陰經共長二丈一尺○按手足十二經脉手之
三陰從臑走手手之三陽從手走頭足之三陽從頭走
足足之三陰從足走腹此其起止之度今云手之六陰
從手至胷中蓋但計其丈尺之數俱以四
末為始而言非謂其行度如此也後放此足之六陽從

足上至頭八尺六八四丈八尺

足太陽起小指至陰至
頭之睛明足陽明起次

指厲兌至頭之頭維足少陽起四指竅陰至
頭之瞳子膠各長八尺六八共長四丈八尺足之六陰

從足至胷中六尺五寸六六三丈六尺五六三尺合三

丈九尺

足太陰起大指隱白至胷中大包足少陰起足心湧泉至胷中俞府足厥陰起大指大敦至胷

中期門各長六尺五寸六陰經共長三丈九尺

躄脉從足至目七尺五寸二七

一丈四尺二五一尺合一丈五尺

躄脉者足少陰太陽之別從足至目內眥

各長七尺五寸左右共長一丈五尺。玄臺馬氏曰按躄脉有陰躄陽躄陽躄自足申脉行於目陰躄自足照

海行於目然陽躄左右相同陰躄亦左右相同則躄脉宜乎有四今日二七一丈四尺二五一尺則止於二脉

者何也觀本篇末云躄脉有陰陽何脉當其數岐伯答曰男子數其陽女子數其陰則知男子之所數者左右

陽躄女子之所數者左右陰躄也詳見後二十八

督脉任脉各四尺五寸二四

八尺二五一尺合九尺凡都合一十六丈二尺此氣之

大經隧也

督行於背任行於腹各長四尺五寸共長九尺右連前共二十八脉通長一十六丈二尺

此周身經隧之總數也。愚按人身經脉之行始於水下一刻晝夜五十周於身總計每日氣候凡百刻則二刻當行一周故衛氣行篇曰日行一舍人氣行一周與十分身之八五十五營篇曰二百七十息氣行十六丈二尺一周於身此經脉之常度也而後世子午流注鍼灸等書因水下一刻之紀遂以寅時定為肺經以十二時挨配十二經而為之歌曰肺寅大卯胃辰官脾巳心午小未申勝申腎酉心包戌亥三子膽丑肝通繼後張世賢熊宗立復為分時註釋遂致歷代相傳用為模範殊不知紀漏者以寅初一刻為始而經脉運行之度起於肺經亦以寅初一刻為紀故首言水下一刻而一刻之中氣脉凡半周於身矣焉得有大腸屬卯時胃屬辰時

等次也且如手三陰脉長三尺五寸足三陽脉長八尺
手少陰厥陰左右俱止十八穴足太陽左右凡一百二
十六穴此其長短多寡大相懸絕安得以十二經
均配十二時其失經旨也遠矣觀者須知辨察

骨度

靈樞骨度篇
全○十八

黃帝問於伯高曰脉度言經脉之長短何以立之伯高
曰先度其骨節之大小廣狹長短而脉度定矣黃帝曰
願聞衆人之度人長七尺五寸者其骨節之大小長短
各幾何
此言欲知脉度者必先求骨度以察其詳也衆
人者衆人之常度也常人之長多以七尺五寸
為率如經水篇岐伯云八尺之士周禮考工記亦曰人
長八尺乃指偉人之度而言皆古黍尺數也黍尺一尺

得今曲尺八寸詳義見附翼律原黃鍾生度條中

伯高曰頭之大骨圍二尺六

寸

此下言頭圍骨圍腰圍之總數也圍周圍也二尺六寸皆古黍尺之數後放此人身之骨頭為最巨頭骨

謂之鬪髀男子自項及耳并腦後共八片惟蔡州人多一其九片腦後橫一縫當正直下至髮際別有一直縫

女人頭骨止六片亦腦後一橫縫當正直下則無縫也此男女頭骨之別○鬪音獨髀音婁

骨圍四

尺五寸

此兼胷脇而言也缺盆之下兩乳之間為骨圍前橫骨三條左右肋骨各十二條八長四短女

人多繁夫骨二條左右各十四條也

腰圍四尺二寸

平臍周圍曰腰人之肥瘦不同腰之大小

亦異四尺二寸以中人之大略言也

髮所覆者顱至項尺二寸

此下言仰人之縱度

也髮所覆者謂髮際也前髮際為額顱後髮際以下為項前自顱後至項長一尺二寸

髮以下至

頤長一尺

顯下為頤頤中為頤前髮際下至頤長一尺

君子終折

終折始也折折衷也

言上文之約數雖如此然人有大小不同故君子當約其終始而因人以折衷之此雖指頭骨為言則下部亦

然結喉以下至缺盆中長四寸

舌根之下肺之上系屈曲外凸者為結喉膺上

橫骨為巨骨巨骨上陷中為缺盆

缺盆以下至髑髀長九寸過則肺大

不滿則肺小

髑髀一名鳩尾一名尾翳蔽心骨也缺盆之下鳩尾之上是為之胃肺藏所居故胃

大則肺亦大胃小則肺亦小也。髑髀音結於

髑髀以下至天樞長八寸過則

胃大不及則胃小

天樞在臍旁二寸足陽明經穴自髑髀之下臍之上是為中焦胃之所居

故上腹長大者胃亦大上腹短小者胃亦小也

天樞以下至橫骨長六寸半過

則迴腸廣長不滿則狹短

橫骨陰毛中曲骨也自天樞下至橫骨是為下焦迴腸所

居也故小腹長大者迴腸亦大小腹短狹者迴腸亦小也

橫骨長六寸半橫骨上廉

以下至內輔之上廉長一尺八寸

橫骨橫長六寸半一曰七寸半廉隅際也

內輔膝間內側大骨也亦曰輔骨

內輔之上廉以下至下廉長三寸半

此言輔骨之上下隅也

內輔下廉下至內踝長一尺三寸內踝以

下至地長三寸

足跟前兩旁高骨為踝骨內曰內踝外曰外踝。踝胡寡切

膝脛以

下至跗屬長一尺六寸跗屬以下至地長三寸

膝後曲處曰脛

足面曰跗跗屬言足面前後皆跗之屬也。脛音國跗附敷二音

故骨圍大則大過小

則不及

凡上文所言皆中人之度其有大者過之小者不及也下文同法

角以下至柱

骨長一尺

此下言側人之縱度也角頭側大骨耳上高角也柱骨肩骨之上頸項之根也

行腋

中不見者長四寸

此自柱骨下通腋中隱伏不見之處

腋以下至季脇長

一尺二寸

脇下盡處短小之肋是為季脇季小也

季脇以下至髀樞長六

寸

足股曰髀髀上外側骨縫曰樞此運動之機也○髀並米切又音比

髀樞以下至膝中

長一尺九寸

膝中言膝外側骨縫之次

膝以下至外踝長一尺六寸

外踝以下至京骨長三寸京骨以下至地長一寸

京骨足太

陽穴名在足小指本節後大骨下赤白肉際陷中

耳後當完骨者廣九寸

此言耳後

之橫度也耳後高骨曰完骨足少陽穴名入髮際四分左右相去廣九寸耳前當耳門者廣

一尺三寸兩顴之間相去七寸兩乳之間廣九寸半兩

髀之間廣六寸半

此言仰人之橫度也耳門者即手太陽聽宮之分目下高骨為顴兩脾之

間言兩股之中橫骨兩頭盡處也

足長一尺二寸廣四寸半

此下言手足之度也

足掌長一尺二寸廣闊也

肩至肘長一尺七寸

肩肩端也臂之中節曰肘

肘至腕

長一尺二寸半

臂掌之節曰腕

腕至中指本節長四寸本節至

其末長四寸半

本節指之後節根也末指端也

項髮以下至背骨長二

寸半

項髮項後髮際也背骨除項骨之外以第一節大椎骨為言也

脊骨以下至尾骶

二十一節長三尺上節長一寸四分分之一奇分在下

故上七節至於脊骨九寸八分分之七

脊骨脊骨也項脊骨共二十四

椎內除項骨三節脊骨自大椎而下至尾骶計二十一節共長三尺上節各長一寸四分分之一即一寸四分

一釐也故上之七節共長九寸八分七釐其有餘不盡之奇分皆在下部諸節也○脊骨外小而內大人之能

負重者以是骨之巨也尾骶骨男子者共女子者圓而平○骶骨底此衆人骨之度也所

以立經脉之長短也是故視其經脉之在於身也其見

浮而堅其見明而大者多血細而沉者多氣也

此結首節而言

因骨度以辨經絡乃可察其血氣之盛衰也

骨空

素問骨空論○十九

輔骨上橫骨下為捷

輔骨膝輔骨橫骨前陰橫骨是捷為股骨也○捷音健剛木

俠

髌為機

髌尻也即髌髌也一曰兩股間也機樞機也俠髌之外即捷骨上運動之機故曰俠髌為機當

環跳穴處是也

髌音寬 髌音誰

膝解為骸關 骸說文云脛骨也脛骨之上膝之節解也是為

骸關

俠膝之骨為連骸

膝上兩側皆有俠膝高骨與骸骨相為接連故曰連骸

骸下為輔

連骸下高骨是為內外輔骨

輔上為臑

輔骨上向膝後曲處為臑即委中穴

也○臑音國

臑上為關

臑上骨節動處即所謂骸關也

頭橫骨為枕

腦後橫骨為枕

水俞五十七穴者尻上五行行五伏菟上兩行行五

左右各一行行五踝上各一行行六穴

此與水熱穴論同亦骨空也故

並及之詳鍼刺類三髓空在腦後五分在顱際銳骨之

十八○菟菟徒二音髓空在腦後五分在顱際銳骨之
下髓腦髓也髓空即風府也在
腦後入髮際一寸督脉穴 一在斷基下脣內上齒

交則下齒縫中當為斷基今曰斷基下者乃頤下正中
骨蟪也王氏曰當頤下骨陷中有穴容豆中詰圖經名

下頤○一在項後中復骨下即大椎上骨節空也復當
斷音銀作伏蓋項骨三節不甚顯

故云伏骨下也 一在脊骨上空在風府上風府上腦戶脊骨下
也督脉穴

空在尻骨下空脊骨之末為尻骨尻骨數髓空在面俠
下空長強也督脉穴

鼻數數處也在面者如足陽明之承泣巨膠手太陽之
顱膠足太陽之睛明手少陽之絲竹空足少陽之瞳

子膠聽會俠鼻者如手陽明之迎香等處皆在面之骨空也 或骨空在口下當兩肩

足陽明大迎分 兩髀骨空在髀中之陽 髀肩髀也中之陽肩中之上峒

也即手陽明肩髀之次 臂骨空在臂陽去踝四寸兩骨空之間 臂

少陽通間之次也亦名三陽絡 股骨上空在股陽出上

膝四寸 股陽股面也出上膝四寸 胕骨空在輔骨之上

端 胕足脛骨也胕骨之上為輔骨輔骨之上端即足陽明犢鼻之次○胕形敬切又音杭 股際骨

空在毛中動下 毛中動下謂曲骨兩旁股際足太陰衝門動脉之下也 尻骨空在

髀骨之後相去四寸 即尻上兩旁足太陽八膠穴也 扁骨有滲理湊無

髓孔易髓無空

扁骨者對圓骨而言凡圓骨內皆有髓有髓則有髓孔若扁骨則但有血脉滲

灌之理湊而內無髓故凡諸扁骨以滲灌易髓者則無髓亦無空矣此脇肋諸骨之類是也

十二經血氣表裏

素問血氣形志篇○二十

夫人之常數太陽常多血少氣少陽常少血多氣陽明

常多氣多血少陰常少血多氣厥陰常多血少氣太陰

常多氣少血此天之常數

十二經血氣各有多少不同乃天稟之常數故凡用鍼者

但可寫其多不可寫其少當詳察血氣而為之補寫也○按兩經言血氣之數者凡三各有不同如五音五味

篇三陽經與此皆相同三陰經與此皆相反詳見藏象類十七又如九鍼論諸經與此皆同惟太陰一經云多

血少氣與此相反須知靈樞多誤當以此篇為正觀末
節出氣出血之文與此正合無差可知矣外靈樞九鍼
論文與此同足太陽與少陰為表裏少陽與厥陰為表
者俱不重載

裏陽明與太陰為表裏是為足陰陽也

足太陽膀胱也
足少陰腎也是

為一合足少陽膽也是為厥陰肝也是為二合足陽明胃
也足太陰脾也是為三合陽為府經行於足之外側陰
為藏經行於足之內側此足之表裏也

手太陽與少陰為表裏少陽與心

主為表裏陽明與太陰為表裏是為手之陰陽也

手太
陽小

腸也手少陰心也是為四合手少陽三焦也手心主厥
陰也是為五合手陽明大腸也手太陰肺也是為六合
陽為府經行於手之外側陰為藏
經行於手之內側此手之表裏也今知手足陰陽所苦

凡治病必先去其血乃去其所苦伺之所欲然後寫有

餘補不足

知手足之陰陽則病在何經其苦可知治之者於血脉壅盛為病異常之處先去其血

去則去其所苦矣非謂凡刺者必先去血也滯血既去然後伺察藏氣之所欲如肝欲散心欲栗肺欲收脾欲

燥腎欲堅之類以寫有刺陽明出血氣刺太陽出血惡

氣刺少陽出氣惡血刺太陰出氣惡血刺少陰出氣惡

血刺厥陰出血惡氣也

此明三陰三陽血氣各有多少而刺者之出血出氣當知其約

也手足陽明多血多氣故刺之者出其血氣手足太陽多血少氣故刺之者但可出其血而惡出其氣總而計之則太陽厥陰均當出血惡氣少陽少陰太陰均當出血惡血唯陽明可出氣出血正與首節義相合○惡去

聲

諸脉髓筋血氣谿谷所屬

素問五藏生成篇。二十一

諸脉者皆屬於目

大惑論曰五藏六府之精氣皆上注於目而為之精口問篇曰目者宗脉

之所聚也故諸脉者皆屬於目

諸髓者皆屬於腦

腦為髓海故諸髓皆屬之

諸筋者

皆屬於節

筋力堅強所以連屬骨節如宣明五氣篇曰久行傷筋以諸筋皆屬於節故也

者皆屬於心

陰陽應象大論曰心生血痿論曰心主身之血脉故諸血皆屬於心

諸氣者

皆屬於肺

調經論本神篇皆曰肺藏氣五味篇曰其大氣之搏而不行者積於胸中命曰氣海出於

肺循喉咽故呼則出吸則入此諸氣之皆屬於肺也

此四支八谿之朝夕也

四支者兩

手兩足也八谿者手有肘與腋足有髀與膕也此四支之關節故稱為谿朝夕者言人之諸脉髓筋血氣無不由此出入而朝夕運行不離也邪客篇曰人有八虛皆機關之室真氣之所過血絡之所遊即此之謂一曰朝夕即潮汐之義言人身氣血往來如海潮之消長早曰潮晚曰汐者亦通○谿溪同故**人臥血歸於肝**人寤則動動則血隨氣行陽分而運於諸經人臥則靜靜則血隨氣行陰分而歸於肝以肝為藏血之藏也故人凡寐者其**肝受血而能視**肝開竅於目肝面色多白以血藏故耳**肝受血而能視**得血則神聚於目故**足受血而能步**足得之則神在足故步履健矣**掌受血而能握**掌得之則神在手**指受血而能攝**指得之則神在指故攝持故把握固矣**指受血而能攝**強矣○愚按血氣者人之神也而此數節皆但言血而不言氣何也蓋氣屬陽而無形血屬陰而有形而人之形體以陰而成如九鍼篇

曰人之所以生成者血脉也營衛生會篇曰血者神氣也平人絕穀篇曰血脉和則精神乃居故此皆言血者

謂神依形生用自體出也**臥出而風吹之血凝於膚者為痺**臥出之際若玄

府未閉魄汗未藏者為風所吹則血凝於膚或致麻木或生疼痛而病為痺**凝於脉者為泣**

風寒外襲血凝於脉則脉道凝於足者為厥四支為諸

泣滯而為病矣。泣澁同**此三者血行而不得反其空**

衰陰勝而氣逆為厥也此三者血行而不得反其空

故為痺厥也血得熱則行得寒則凝凡此上文三節者

其空故為痺厥之病也○空孔同謂血行之道**人有大谷十二分**大谷者言關節之最大者

也節之大者無如四支在手者肩肘腕在足者髀膝腕四支各有三節是為十二分分處也。按此即上文八

谿之義夫既曰谿何又曰谷如氣穴論曰肉之大會為谷小會為谿肉分之間谿谷之會以行榮衛以會大氣是谿谷雖以小大言而為氣血之會則一故可以互言也上文單言之故止云八谿此節與下文小谿三百五十四名相對為言故云大谷也諸註以大谷十二分為十二經脉之部分者皆非

小谿三百五

十四名少十二俞

小谿者言通身骨節之交也小鍼解曰節之交三百六十五會者絡脉之

滲灌諸節者也十二俞謂十二藏之俞如肺俞心俞之類是也此除十二俞皆通於藏氣者不在小谿之列則當為三百五十三名茲云五十四者傳寫之誤也

此皆衛氣之所留止邪氣之

所客也鍼石緣而去之

凡此谿谷之會本皆衛氣留止之所若其為病則亦邪氣所客

之處也邪客於經治以鍼石必緣其所在取而去之緣因也

五藏之氣上通七竅陰陽不和乃成關格

靈樞脉度

篇〇二

十二

五藏常內閱於上七竅也

閱歷也五藏位次於內而氣達於外故閱於上之七竅如

下文者人身共有九竅在上者七耳目口鼻也在下者二前陰後陰也

故肺氣通於鼻肺

和則鼻能知臭香矣心氣通於舌心和則舌能知五味

矣肝氣通於目肝和則目能辨五色矣脾氣通於口脾

和則口能知五穀矣腎氣通於耳腎和則耳能聞五音

矣陰陽應象大論曰肺在竅為鼻心在竅為舌肝在竅為目脾在竅為口腎在竅為耳故其氣各有所通亦

各有所用然必五藏氣和而後各稱其職否則藏有所病則竅有所應矣

五藏不和則七竅

不通六府不和則留為癰

五藏屬陰主裏故其不和則七竅為之不利六府屬陽主

表故其不利則肌腠留為癰瘍

故邪在府則陽脉不和陽脉不和則氣

留之氣留之則陽氣盛矣陽氣太盛則陰不利陰脉不

利則血留之血留之則陰氣盛矣陰氣太盛則陽氣不

能榮也故曰關陽氣太盛則陰氣弗能榮也故曰格陰

陽俱盛不得相榮故曰關格關格者不得盡期而死也

陰陽之氣貴乎和平邪氣居之不在於陰必在於陽故邪氣在府則氣留之而陽勝陽勝則陰病矣陰病則血

留之而陰勝陰勝則陽病矣故陰氣太盛則陽氣不榮而為關陽氣太盛則陰氣不榮而為格陰陽俱盛不得相榮則陰自陰陽自陽不相決洽而為關格故不得盡天年之期而死矣本經榮營通用不能榮謂陰陽乖亂不能營行彼此格拒不通也人迎盛者為格陽寸口盛者為關陰義詳脉色類二十二

營衛三焦

靈樞營衛生會篇○二十三

黃帝問於岐伯曰人焉受氣陰陽焉會何氣為營何氣為衛營安從生衛於焉會老壯不同氣陰陽異位願聞

其會

焉何也會合也五十已上為老二十已上為壯此帝問人身之氣受必有由會必有處陰陽何所分

營衛何所辨而欲得其詳也

岐伯荅曰人受氣於穀穀入於胃以傳

於肺五藏六府皆以受氣

人之生由乎氣氣者所受於天與穀氣并而充身者也故

穀食入胃化而為氣是為穀氣亦曰胃氣此氣出自中焦傳化於脾上歸於肺積於胃中氣海之間乃為宗氣宗氣之行以息往來通達三焦而五藏六府皆以受氣是以胃為水穀血氣之海而人所受氣者亦唯穀而已故穀不入半日則氣衰一日則氣少矣

其清者為營濁者為衛

穀氣出於胃而氣有

清濁之分清者水穀之精氣也濁者水穀之悍氣也諸家以上下焦言清濁者皆非清者屬陰其性精專故化生血脉而周行於經隧之中是為營氣濁者屬陽其性慄疾滑利故不循經絡而直達肌表充實於皮毛分肉之間是為衛氣然營氣衛氣無非資藉於宗營在脉中氣故宗氣盛則營衛和宗氣衰則營衛弱矣

衛在脉外

營營運於中也衛護衛於外也脉者非氣非血其猶氣血之橐籥也營屬陰而主裏衛屬

陽而主表故營在脉中衛在脉外衛氣篇曰其浮氣之不循經者為衛氣其精氣之行於經者為榮氣正此之

謂營周不休五十而復大會陰陽相貫如環無端營氣之行

周流不休凡一晝一夜五十周於身而復為大會其十一經脉之次則一陰一陽一表一裏迭行相貫終而復

始故曰如環無端也五十衛氣行於陰二十五度行於

陽二十五度分為晝夜故氣至陽而起至陰而止衛氣之行

夜則行陰分二十五度晝則行陽分二十五度凡一晝一夜亦五十周於身義詳後二十五氣至陽而起至陰

而止謂晝興夜息即下文萬民皆臥之義故曰日中而陽隴為重陽夜半而

陰隴為重陰此分晝夜之陰陽以明營衛之行也隴盛也生氣通天論作隆晝為陽日中為陽中

之陽故曰重陽夜為陰夜半為陰中之陰故曰重陰○隴音籠故太陰主內太陽主外

各行二十五度分為晝夜

太陰手太陰也太陽足太陽也內言營氣外言衛氣營氣

始於手太陰而復會於太陰故太陰主內衛氣始於足太陽而復會於太陽故太陽主外營氣周流十二經晝夜各二十五度衛氣晝則行陽夜則行陰亦各二十五度營衛各為五十度以分晝夜也夜半為陰

隴夜半後而為陰衰平旦陰盡而陽受氣矣日中為陽

隴日西而陽衰日入陽盡而陰受氣矣

夜半後為陰衰陽生於子也日

西而陽衰陰生於午也如金匱真言論曰平旦至日中天之陽陽中之陽也日中至黃昏天之陽陽中之陰也合夜至鷄鳴天之陰陰中之陰也鷄鳴至平旦天之陰陰中之陽也故人亦應之即此節之義夜半而

大會萬民皆臥命曰合陰平旦陰盡而陽受氣如是無

已與天地同紀

大會言營衛陰陽之會也營衛之行表裏異度故嘗不相值惟於夜半子時陰

氣已極陽氣將生營氣在陰衛氣亦在陰故萬民皆瞑而臥命曰合陰合陰者營衛皆歸於藏而會於天一之中也平旦陰盡而陽受氣故民皆張目而起此陰陽消息之道常如是無已而與天地同其紀所謂天地之紀者如天地日月各有所會之紀也天以二十八舍為紀地以十二辰次為紀日月以行之遲速為紀故天與地一歲一會如立朽加於子宮是也天與日亦一歲一會如冬至日纏星紀是也日與月則一月一會如晦朔之同宮是也人之營衛以晝夜為紀故

黃帝曰老人之不

夜瞑者何氣使然少壯之人不晝瞑者何氣使然

此帝因上

文言夜則萬民皆臥故特舉老人之不夜瞑者以求其詳也

岐伯荅曰壯者之氣血

盛其肌肉滑氣道通營衛之行不失其常故晝精而夜

瞑老者之氣血衰其肌肉枯氣道澇五藏之氣相搏其

營氣衰少而衛氣內伐故晝不精夜不瞑

老者之氣血衰故肌肉枯

氣道澇五藏之氣搏聚不行而營氣衰少矣營氣衰少故衛氣乘虛內伐衛失其常故晝不精營失其常故夜

不瞑也黃帝曰願聞營衛之所行皆何道從來岐伯荅曰

營出於中焦衛出於下焦

何道從來言營衛所由之道路也營氣者由穀入於胃中

焦受氣取汁化其精微而上注於肺乃自手太陰始周行於經隧之中故營氣出於中焦衛氣者出其悍氣之

慄疾而先行於四末分肉皮膚之間不入於脉故於平旦陰盡陽氣出於目循頭項下行始於足太陽膀胱經而行於陽分日西陽盡則始於足少陰腎經而行於陰分其氣自膀胱與腎由下而出故衛氣出於下焦詳義見後營氣衛氣二章○愚按人身不過表裏表裏不過陰陽陰陽即營衛營衛即血氣藏府筋骨居於內必賴營氣以資之經脉以疏之皮毛分肉居於外經之所不通營之所不及故賴衛氣以煦之孫絡以濡之而後內而精髓外而髮膚無弗得其養者皆營衛之化也然營氣者猶天之有宿度地之有經水出入有期運行有序者也衛氣者猶天之有清陽地之有鬱蒸陰陽晝夜隨時而變者也衛氣屬陽乃出於下焦下者必升故其氣自下而上亦猶地氣上為雲也營本屬陰乃自中焦而出於上焦上者必降故營氣自上而下亦猶天氣降為雨也雖衛主氣而在外然亦何嘗無血營主血而在內然亦何嘗無氣故營中未必無衛衛中未必無營但行

於內者便謂之營行於外者便謂之衛此人身陰陽交感之道分之則二合之則一而已前第六章有按當

與此互閱○黃帝曰願聞三焦之所出岐伯荅曰上焦出於

胃上口並咽以上貫膈而布胸中走腋循太陰之分而

行還至陽明上至舌下足陽明

胃上口即上脘也咽為胃系水穀之道路也膈

上曰胸中即膻中也其旁行者走兩腋出天池之次循手太陰肺經之分而還於手陽明其上行者至於舌其下行者交於足陽明以行於中常與榮俱行於陽二十

五度行於陰亦二十五度一周也故五十度而復大會

於手太陰矣

上焦者肺之所居宗氣之所聚營氣者隨宗氣以行於十四經脈之中故上焦之氣

常與營氣俱行於陽二十五度陰亦二十五度陽陰者言晝夜也晝夜周行五十度至次日寅時復會於手太陰肺經是為一周然則營氣雖出於中焦而施化則由於上焦也 ○黃帝曰願聞中焦

之所出岐伯荅曰中焦亦並胃中出上焦之後此所受

氣者泌糟粕蒸津液化其精微上注於肺脉乃化而為

血以奉生身莫貴於此故獨得行於經隧命曰營氣

胃中

中脘之分也後下也受氣者受穀食之氣也五穀入胃其糟粕津液宗氣分為三隧以注於三焦而中焦者泌糟粕蒸津液受氣取汁變化而赤是謂血以奉生身而行於經隧是為營氣故曰營出中焦按下文云下焦者別迴腸注膀胱然則自膈膜之下至臍上一寸水分穴之上皆中焦之部分也 ○泌秘弼二音粕音朴隧音遂

伏道也。黃帝曰：夫血之與氣異名同類，何謂也？岐伯荅曰：

營衛者精氣也，血者神氣也。故血之與氣異名同類焉。

故奪血者無汗，奪汗者無血。故人生有兩死而無兩生。

營衛之氣雖分清濁，然皆水穀之精華。故曰：營衛者精氣也。血由化而赤，莫測其妙。故曰：血者神氣也。然血化於液，液化於氣，是血之與氣本為同類。而血之與汗亦非兩種，但血主營為陰，為裏；汗屬衛為陽，為表。一裏無可並攻，故奪血者無取其汗，奪汗者無取其血。若表裏俱奪，則不脫於陰，必脫於陽。脫陽亦死，脫陰亦死。故曰：人生有兩死，然而人之生也，陰陽之氣皆不可無。未有孤陽能生者，亦未有孤陰能生者。故曰：無兩生也。

○黃帝曰：願聞下焦之所出。岐伯荅曰：下焦者別迴腸。

注於膀胱而滲入焉故水穀者常并居於胃中成糟粕

而俱下於大腸而成下焦滲而俱下濟泌別汁循下焦

而滲入膀胱焉

迴腸大腸也濟涕同猶灑瀘也泌如狹流也別汁分別清濁也別迴腸者謂水

穀并居於胃中傳化於小腸當臍上一寸水分穴處糟粕由此別行迴腸從後而出津液由此別滲膀胱從前而出膀胱無上口故云滲入凡自水分穴而下皆下焦之部分也按三十一難曰下焦者當膀胱上口主分別清濁其言上口者以滲入之處為言非真謂有口也如果上口則不言滲入矣何後世不解其意而爭言膀胱有上口其謬為甚。三焦下膈黃帝曰人飲酒酒亦入義詳前十六。灑音篩瀘音慮

胃穀未熟而小便獨先下何也岐伯荅曰酒者熟穀之

液也其氣悍以清故後穀而入先穀而液出焉

此因上文

穀入胃必濟泌別汁而後出而何以飲酒者獨先下也蓋以酒之氣悍則直連下焦酒之質清則速行無滯故

後穀而入先穀而出也

黃帝曰善余聞上焦如霧中焦如漚下焦

如瀆此之謂也

如霧者氣浮於上也言宗氣積於胸中司呼吸而布濩於經隧之間如天之霧

故曰上焦如霧也漚者水上之泡水得氣而不沉者也言營血化於中焦隨氣流行以奉生身如漚處浮沉之

間故曰中焦如漚也瀆者水所注泄言下焦主出而不納逝而不反故曰下焦如瀆也然則肺象天而居上故

司霧之化脾象地而在中故司漚之化大腸膀胱象江河淮泗而在下故司川瀆之化也○愚按三焦者本全

體之大藏統上中下而言也本經發明不啻再四如本翰本藏論勇決氣營衛生會五藏別論六節藏象論邪

客背輸等篇皆有詳義而二十五難經獨言三焦包絡皆有名而無形遂起後世之疑莫能辨正第觀本經所言凡上中下三焦之義既明且悉烏得謂其以無為有以虛為實哉余因徧考諸篇著有三焦包絡命門辨及藏象類第三章俱有詳按所當互考

營氣運行之次

靈樞營氣篇全○二十四

黃帝曰營氣之道內穀為寶穀入於胃乃傳之肺流溢於中布散於外精專者行於經隧常營無已終而復始

是謂天地之紀

營氣之行由於穀氣之化穀不入則營氣衰故云內穀為寶穀入於胃以傳於

肺清者為營營行脈中故其精專者行於經隧常營無已終而復始以周流於十二經也天地之紀義見前章

納內同故氣從太陰出注手陽明此下言營氣運行之次即前十二經脈之序也

營氣出於中焦上行於肺故於寅時始於手太陰肺經出注中府雲門下少商以交於手陽明商陽也上

行注足陽明下行至跗上注大指間與太陰合手陽明大腸經

循臂上行至鼻旁迎香穴交於目下承泣穴注足陽明胃經下行至足跗出次指之厲兌其支者別跗上入大

指出其端以交於足太陰隱白也上行抵髀從脾注心中足太陰脾經自足上行抵

髀入腹屬脾上膈注於心中循手少陰出腋下臂注小指

合手太陽心脈發自心中循手少陰經出腋下極泉穴下臂注小指內側少衝穴出外側以交於手

太陽少澤也上行乘腋出顛內注目內眥上巔下項合足太

陽

手太陽小腸經自小指上行乘腋外上出於頰內頰
膠之次注目內眥以交於足太陽睛明穴 頰音拙

循脊下尻下行注小指之端循足心注足少陰上行注

腎

足太陽膀胱經過巔下項循脊下尻注小指端之至
陰循小指入足心以交於足少陰之湧泉而上行注

也從腎注心外散於胃中循心主脉出腋下臂出兩筋

之間入掌中出中指之端

足少陰腎經從足心上行入
腎注於心外散於胃中以交

於手心主其脉出腋下之天池下臂出
兩筋之間入掌中出中指端之中衝也

還注小指次指

之端合手少陽上行注臆中散於三焦

手厥陰心主之
支者別掌中還

注無名指端以交於手少陽之關衝
循臂上行注臆中下膈散於三焦也

從三焦注膽出脅

注足少陽下行至跗上

手少陽經自三焦注於膽出脇肋間以交於足少陽經上者行

於頭起於目銳眥腫子膠穴下者至足跗出小指次指端之竅陰穴也

復從跗注大指間

合足厥陰上行至肝從肝上注肺上循喉嚨入頤頰之

竅究於畜門其支別者上額循巔下項中循脊入骹是

督脉也

足少陽膽經支者別跗上注大指間以交於足厥陰之大敦穴乃上行至肝上肺上循喉嚨之

上入頤頰之竅究深也畜門即喉屋上通鼻之竅門也如評熱病論啟立子有云氣衝突於蓄門而出於鼻即此謂也其支別者自頤頰上出額循巔以交於督脉循脊下行入尾骹也。畜臭同許救切

絡陰器

上過毛中入臍中上循腹裏入缺盆下注肺中復出太

陰此營氣之所行也逆順之常也

督脈自尾骶前絡陰器即名任脈上過陰

毛中入臍上腹入缺盆下肺中復出於手太陰經前經脈篇未及任督而此始全備是十四經營氣之序

衛氣運行之次

靈樞衛氣行篇全○二十五

黃帝問於岐伯曰願聞衛氣之行出入之合何如岐伯

曰歲有十二月日有十二辰

十二辰即十二支也在月為建在日為時

子午

為經卯酉為緯

天象定者為經動者為緯子午當南北二極居其所而不移故為經卯酉常東

升西降列宿周旋無已故為緯

天周二十八宿而一面七星四七二十

八星

天分四面曰東西南北一面七星如角亢氐房心尾箕東方七宿也斗牛女虛危室壁北方七宿也

奎婁胃昴畢嘴參西方七宿也井鬼柳星
張翼軫南方七宿也是為四七二十八星
房昴為緯虛

張為經

房在卯中昴在酉中故為緯
虛在子中張在午中故為經

是故房至畢為陽

昴至心為陰陽主晝陰主夜

自房至畢其位在卯辰巳
午未申故屬陽而主晝自

昴至尾其位在酉戌亥
子丑寅故屬陰而主夜

故衛氣之行一日一夜五十周

於身晝日行於陽二十五周夜行於陰二十五周周於

五歲

衛氣之行於身者一日一夜凡五十周於身天之日
陽主晝陰主夜人之陽主府陰主藏故衛氣晝則

行於陽分二十五周夜則行於陰分二十五周陽分者
言表言府陰分者言裏言藏也故夜則周於五藏○歲

當作藏
誤也

○是故平日陰盡陽氣出於目目張則氣上行

於頭循項下足太陽循背下至小指之端

此下言衛氣晝行陽分始

於足太陽經以周六府而及於腎經是為一周太陽始於睛明故出於目然目者宗脈之所聚凡五臟六府之精陽氣皆上走於目而為睛故平旦陰盡則陽氣至目而目張目張則衛氣由睛明穴上頭循項下足太陽經之分循背下行以至足小指端之至陰穴也其散者別於目銳眥下手太陽

下至手小指之間外側

散者散行者也衛氣之行不循經相傳故始自目內眥而下於

足太陽其散者自目銳眥而行於手太陽也下至手小指之間外側少澤穴也

其散者別於目

銳眥下足少陽注小指次指之間

此自太陽行於足手少陽也目銳眥足少

陽瞳子膠也足小指次指之間窵陰穴也

以上循手少陽之分側下至小指

之間

分側當作外側小指下當有次指二字謂手少陽關衝穴也

別者以上至耳前

合於頷脉注足陽明以下行至附上入五指之間

此自少陽

而行於手足陽明也合於頷脉謂由承泣頰車之分下注足陽明經五指當作中指謂厲兌穴也○頷何敢切

其散者從耳下下手陽明入大指之間入掌中

手陽明之別者

入耳故從耳下本經大指下當有次指二字謂商陽穴也

其至於足也入足心出

內踝下行陰分復合於目故為一周

此自陽明入足心出內踝者由足少

陰腎經以下行陰分也少陰之別為蹻脉蹻脉屬於目內眥故復合於目交於足太陽之睛明穴此衛氣盡行

之序自足手六陽而終於足少陰經乃為一周之數也○愚按衛氣之行盡在陽分然又兼足少陰腎經方為

一周考之邪客篇亦曰衛氣者晝日行於陽夜行於陰嘗從足少陰之分間行於五藏六府然則無論晝夜皆不離於腎經者何也蓋人之所本惟精與氣氣為陽也陽必生於陰精為陰也陰必生於陽故營本屬陰必從肺而下行衛本屬陽必從腎而上行此即衛出下焦之義而腎屬水水為氣之本也故上氣海在膻中下氣海在丹田而人之肺腎兩藏○是故日行一舍人氣行一所以為陰陽生息之根本

周與十分身之八

此下言衛氣運行之數也天周二十八舍而一日一周人之衛氣晝夜凡

行五十周以五十周為實而用二十八歸除之則日行一舍衛氣當行一周與十分身之七分八釐五毫有奇為正數此言一周與十分身之八者亦如天行過日一度而猶有奇分也奇分義見後○舍即宿也按太史公律書及天官等書俱以二十八宿作日行二舍人氣行二十八舍曰舍者為七政之所舍也

三周於身與十分身之六

日行二舍人氣當行三周於身與十分身之五分七釐一

毫有奇為正數云十分身之六者有奇分也後放此

日行三舍人氣行於身五周

與十分身之四

人氣當行五周與十分身之三分五釐七毫有奇為正數餘者為奇分

日

行四舍人氣行於身七周與十分身之二

人氣當行七周與十分身

之一分四釐二毫有奇為正數餘者為奇分

日行五舍人氣行於身九周

人氣

當行八周與十分身之九分二釐八毫為正數餘者為奇分

日行六舍人氣行於身

十周與十分身之八

人氣當行十周與十分身之七分一釐四毫有奇為正數餘者為奇

分日行七舍人氣行於身十二周在身與十分身之六

人氣當行十二周與十分身之四分九釐有奇為正數餘者為奇分此一面七星之數也日行十四

舍人氣二十五周於身有奇分與十分身之二陽盡於

陰陰受氣矣

日行七舍為半日行十四舍則自房至畢為一晝人氣當行二十五周為正數今凡

日行一舍人氣行一周與十分身之八則每舍當餘一釐四毫有奇為奇分合十四舍而計之共得十分身之二是為一晝之奇分也晝盡則陽盡陽盡則陰受氣而為夜矣。其始入於陰常從足

少陰注於腎腎注於心心注於肺肺注於肝肝注於脾

脾復注於腎為周

此言衛氣夜行陰分始於足少陰腎經以周五藏其行也以相剋為序故

腎心肺肝脾相傳為一周而復注於腎也是故夜行一舍人氣行於陰藏一

周與十分藏之八

其正數奇分俱如前

亦如陽行之二十五周而

復合於目

衛氣行於陰分二十五周則夜盡夜盡則陰盡陰盡則人氣復出於目之睛明穴而行於

陽分是為晝夜五十周之度

陰陽一日一夜合有奇分十分身之四

與十分藏之二是故人之所以臥起之時有蚤晏者奇

分不盡故也

前日行十四舍人氣行二十五周為半日凡得奇分者十分身之二故此一晝一夜

日行二十八舍人氣行五十周合有奇分者在身得十分身之四在藏得十分藏之二所謂奇分者言氣有過

度不盡也故人之起臥亦有蚤晏不同耳

○黃帝曰衛氣之在於身也上下

往來不以期候氣而刺之奈何

不以期謂或上或下或陰或陽而期有不同也

伯高曰分有多少日有長短春秋冬夏各有分理然後

常以平旦為紀以夜盡為始

四時分至晝夜雖各有長短不同然候氣之法必以

平旦為紀蓋陰陽所交之候也

是故一日一夜水下百刻二十五刻者

半日之度也常如是毋已日入而止隨日之長短各以

為紀而刺之

一晝一夜凡百刻司天者紀以漏水故曰水下百刻二十五刻者得百刻四分之一

是為半日之度分一日為二則為晝夜分一日為四時則朝為春日中為夏日入為秋夜半為冬故當以平旦為陽始日入為陽止各隨日之長短以察其陰陽之紀而刺之也 謹候其時病可與期

失時反候者百病不治

失時反候謂不知四時之氣候陰陽之盛衰而誤施其治也

故曰刺實者刺其來也刺虛者刺其去也

邪盛者為實
氣衰者為虛

刺實者刺其來謂迎其氣至而奪之刺
虛者刺其去謂隨其氣去而補之也

此言氣存亡之

時以候虛實而刺之是故謹候氣之所在而刺之是謂

逢時在於三陽必候其氣在於陽而刺之病在於三陰

必候其氣在陰分而刺之

病在三陽必候其氣在陽分
而刺之病在三陰必候其氣

在陰分而刺之此刺衛氣之道是謂
逢時逢時者逢合陰陽之氣候也

水下一刻人氣在

太陽水下二刻人氣在少陽水下三刻人氣在陽明水

下四刻人氣在陰分

此以平旦為始也太陽少陽陽明
俱兼手足兩經為言陰分則單以

足少陰經為言此衛氣
行於陽分之一周也

水下五刻人氣在太陽水下六

刻人氣在少陽水下七刻人氣在陽明水下八刻人氣

在陰分

此衛氣行於
陽分二周也

水下九刻人氣在太陽水下十刻

人氣在少陽水下十一刻人氣在陽明水下十二刻人

氣在陰分

此衛氣行於
陽分三周也

水下十三刻人氣在太陽水下

十四刻人氣在少陽水下十五刻人氣在陽明水下十

六刻人氣在陰分

此衛氣行於
陽分四周也

水下十七刻人氣在太

陽水下十八刻人氣在少陽水下十九刻人氣在陽明

水下二十刻人氣在陰分

此衛氣行於陽分五周也

水下二十一刻

人氣在太陽水下二十二刻人氣在少陽水下二十三

刻人氣在陽明水下二十四刻人氣在陰分

此衛氣行於陽分六

周水下二十五刻人氣在太陽此半日之度也

水下二十五刻

計前數凡六周於身而又兼足手太陽二經此日行七舍則半日之度也。按前數二十五刻得周日四分之

一而衛氣之行止六周有奇然則總計周日之數惟二十五周於身乃與五十周之義未合意者水下一刻人

氣在太陽者二周或以一刻作半刻則正合全數此中或有別解惟後之君子再正從房至畢一

十四舍水下五十刻日行半度

從房至畢十四舍為陽主一晝之度水下當五

十刻從昴至心十四舍為陰主一夜之度亦水下五行
刻晝夜百刻日行共少天一度故此一晝五十刻日行

於天者迴行一舍水下三刻與七分刻之四此言日度
迴行一舍

則漏水當下三刻與七分刻之四若以二十八歸除分
百刻之數則每舍當得三刻與十分刻之五分七釐一

毫四絲有奇亦正與七分刻之四毫忽無差也此節
乃約言二十八舍之總數故不論宿度之有多寡也大

要曰常以日之加於宿上也人氣在太陽是故日行一

舍人氣行三陽行與陰分常如是無已天與地同紀以

行之數加於宿度之上則天運人氣皆可知
矣此總結上文而言人與天地同其紀也紛紛紛紛

終而復始一日一夜水下百刻而盡矣紛紛紛紛
紛紜叢雜之中

而條理不亂也故終而復始晝
夜循環無窮盡矣○盼普巴切

一萬二千五百息五十營氣脉之數

靈樞五十營篇全○

二十
六

黃帝曰余願聞五十營奈何岐伯荅曰天周二十八宿

宿三十六分人氣行一周千八分

五十營者即營氣運行之數晝夜凡五十

度也以周天二十八宿宿三十六分相因共得一
千零八分人之脉氣晝夜運行一周亦合此數

日行

二十八宿人經脉上下左右前後二十八脉周身十六

丈二尺以應二十八宿漏水下百刻以分晝夜

二十八宿義見

前章人之經脈十二左右相同則為二十四脈加以躡脈二任督脈二共為二十八脈以應周天二十八宿以分晝夜之百刻也二十八脈及十六丈二尺詳義見前十七故人一呼脈再動氣行

三寸一吸脈亦再動氣行三寸呼吸定息氣行六寸十

息氣行六尺日行二分人之宗氣積於胃中以行呼吸而通經脈凡一呼一吸是為一

息脈氣行六寸十息氣行六尺其日行之數當以每日千八分之數為實以一萬三千五百息為法除之則每十息日行止七釐四毫六絲六忽不盡此云日行二分者傳久之誤也下放此呼吸脈再動詳脈色類三所當

互考二百七十息氣行十六丈二尺氣行交通於中一周

於身下水二刻日行二十五分凡一百三十五息水下一刻之度也人氣當半

周於身脉行八丈一尺故二百七十息氣行於身一
周水下當二刻日行當得二十分一釐六毫為正 五

百四十息氣行再周於身下水四刻日行四十分氣行二周

脉行三十二丈四尺日行當得四十分三釐二毫為正
上文言二十五分者太多本節言四十分者太少此其

所以有誤也二千七百息氣行十周於身下水二十刻日行

五宿二十分氣行十周脉行一百六十二丈日行當得五宿二十一分六釐為正一萬三

千五百息氣行五十營於身水下百刻日行二十八宿


漏水皆盡脉終矣此一晝夜百刻之總數所謂交通者

并行一數也此釋上文交通二字之義并行一數謂并二十八脉通行一周之數也故五

十營備得盡天地之壽矣凡行八百一十丈也

使五十營之數

常周備無失則壽亦無窮故得盡天地之壽矣
八百一十丈脈氣周行晝夜五十營之總數也



類經卷八

欽定四庫全書

子部
類經卷十九

詳校官太醫院院使臣張肇基

編修臣倉聖脈覆勘

總校官知縣臣楊懋珩

校對官中書臣高中

謄錄監生臣王宮

欽定四庫全書

類經卷九

明

張介賓撰

經絡類

任衝督脈為病

素問骨空論
二十七

任脈者起於中極之下以上毛際循腹裏上關元至咽

喉上頤循面入目

以下任衝督脈皆奇經也中極任脈
穴名在曲骨上一寸中極之下即胞

宮之所任衝督三脈皆起於胞宮而出於會陰之間任
由會陰而行於腹督由會陰而行於背衝由會陰出並
必陰而散於胃中故此自毛際行腹裏衝脈者起於氣
關元上至咽喉面目者皆任脈之道也

街並少陰之經俠齊上行至胃中而散

起言外脈之所起非發源之謂

也下放此氣街即氣衝足陽明經穴在毛際兩旁衝脈起於氣街並足少陰之經會於橫骨大赫等十一穴俠膺上行至胃中而散此言衝脈之前行者也然少陰之脈上股內後廉貫脊屬腎衝脈亦入脊內為伏衝之脈然則衝脈之後行者當亦並少陰無疑也○痿論曰衝脈者經脈之海也主滲灌谿谷與陽明合於宗筋陰陽總宗筋之會會於氣街而陽明為之長皆屬於帶脈而絡於督脈○五音五味篇曰衝脈任脈皆起於胞中上循背裏為經絡之海其浮而外者循腹右上行會於咽喉別而絡唇口○逆順肥瘦篇曰衝脈者五藏六府之海也五藏六府皆稟焉其上者出於顛顛滲諸陽灌諸精其下者注少陰之大絡出於氣街循陰股內廉入脰中伏行骨內下至內髁之後屬而別其下者並於少陰之經滲三陰其前者伏行出跗屬下循跗入大指間

滲諸絡而溫肌肉故別絡結則跗上不動不動則厥厥則寒矣○動輸篇曰衝脉者十二經之海也與少陰之大絡起於腎下出於氣街並足少陰之經入足下其別者邪入踝出屬跗上入大指之間注諸絡以溫足脛○海論曰衝脉者為十二經之海其輸上在於大杼下出於巨虛之上下廉○按此諸篇之義則衝脉之下行者雖會於陽明之氣街而實並於足少陰之經且其自上頭下自足後自背前自腹內自谿谷外自肌肉陰陽表裏無所不涉又按歲露篇曰入脊內注於伏衝之脉百病始生篇曰傳舍於伏衝之脉所謂伏衝者以其最深也故凡十二經之氣血此皆受之以榮養周身所以為五藏六府之海也又衝為血海義詳後三十二

脉為病男子內結七疝女子帶下瘕聚

任脉自前陰上毛際行腹裏故

男女之為病如此七疝義詳疾病類七十帶下赤白帶下也瘕瘕瘕也聚積聚也○瘕加駕二音

衝脉

為病逆氣裏急

衝脈俠臍上行至於胃中故其氣不順則隔塞逆氣血不和則胃腹裏急也

督脉為病脊強反折

督脉貫於脊中故令脊強反折而屈伸不利

督脉者起

於少腹以下骨中央女子入繫廷孔

此下皆言督脉也少腹小腹也胞宮

之所居骨中央橫骨下近外之中央也廷正也直也廷孔言正中之直孔即溺孔也

其孔溺孔之

端也

此釋廷孔即溺孔之義女人溺孔在前陰中橫骨之下孔之上際謂之端乃督脉自起之所此雖以

女子為言然男子溺孔亦在橫骨下中央第為宗筋所函故不見耳○溺娘弔切

其絡循陰器

合篡間繞篡後

督脉別絡自溺孔之端循陰器分行向後復合於篡間乃又自篡間分為二

繞行於篡之後篡交篡之義謂兩便爭行之所即前後二陰之間也○篡初患切

別繞臀至少

陰與巨陽中絡者合少陰上股內後廉貫脊屬腎

足少陰之

脉上股內後廉足太陽之脉外行者過髀樞中行者挾脊貫臀故此督脉之別絡自篡後遠臀至股內後廉少陰之分與巨陽中絡者合少陰之與太陽起於目內眥

上額交巔上入絡腦還出別下項循肩髃內俠脊抵腰

中入循膂絡腎

此亦督脉之別絡並足太陽之經上頭下項俠脊抵腰中復絡於腎若其直行

者自尻上循脊裏上頭由鼻而至於人中也○皆音資髀音搏膂呂同

其男子循莖下至

篡與女子等

莖英行二音陰莖也

其少腹直上者貫齊中央上貫

心入喉上頤環脣上繫兩目之下中央

按此自少腹直上者皆任脉之

道而本節列為督脉五音五味篇曰任脉衝脉皆起於胞中上循背裏為經絡之海然則前亦督也後亦任也故啓玄子引古經云任脉循背謂之督脉自少腹直上者謂之任脉亦謂之督脉由此言之則是以背腹分陰陽而言任督若三脉者則名雖異而體則一耳故曰任脉衝脉督脉一源而三歧也此生病從少

腹上衝心而痛不得前後為衝疝

此督脉自臍上貫於心故其為病如此名

為衝疝蓋兼衝任而為病者

其女子不孕癥痔遺溺嗑乾

此在女子為不孕癥

痔遺溺嗑乾等證雖皆由此督脉所生而實亦任衝之病王氏曰任脉者女子得之以任養也衝脉者以其氣上衝也督脉者以其督領經脉之海也且此三脉皆由陰中而上行故其為病如此○癥良中切痔音雄嗑音

益督脉生病治督脉治在骨上甚者齊下營

骨上謂橫骨上

毛際中曲穴骨也齊下營謂臍下一寸陰交穴也皆任
脉之穴而治此督脉之病正以本篇所發明者雖分三
脉其所言治則但云督脉而不云任衝故所用之穴亦
以任為督可見三脉本同一體督即任衝之綱領任衝
即督之
別名耳

躄脉分男女

靈樞脉度篇
○二十八

黃帝曰躄脉安起安止何氣榮水

躄脉有二曰陰躄曰陽躄皆奇經也何氣

榮水言躄脉為何經之氣乃亦如經水之岐伯荅曰躄
營行也○躄有五音蹺皎喬脚又極虐切

脉者少陰之別起於然骨之後

少陰之別足少陰腎經
之別絡也然骨之後照

海也足少陰穴即陰躄之所生○按本篇止言陰躄之
起而未及陽躄惟繆刺論曰邪客於足陽躄之脉刺外

蹠之下半寸所蓋陽蹠為太陽之別故二十八難曰陽蹠脈者起於跟中循外踝上行入風池陰蹠者亦起於跟中循內踝上行至咽喉交貫衝脈故陰蹠為足少陰之別起於照海陽蹠為足太陽之別起於申脈庶得其詳也

上人迎之前入頰屬目內眥合於太陽陽蹠而上行氣并相還則為濡目氣不榮則目不合

蹠脈自內踝直上陰股入陰循胛裏

者皆並足少陰而上行也然足少陰之直者循喉嚨而挾舌本此則入缺盆上出人迎之前入頰屬目內眥以合於足太陽之陽蹠是蹠脈有陰陽之異也陰蹠陽蹠之氣并行迴還而濡潤於目若蹠氣不榮則目不能合故寒熱病篇曰陰蹠陽蹠陰陽相交陽入陰陰出陽交於目銳眥陽氣盛則瞑目陰氣盛則瞑目此所以目之

瞑與不瞑皆蹻
脉為之主也

黃帝曰氣獨行五藏不榮六府何也

以帝

蹻脉為少陰之別因疑其氣獨
行五藏不榮六府也故有此問

岐伯荅曰氣之不得無

行也如水之流如日月之行不休故陰脉榮其藏陽脉

榮其府如環之無端莫知其紀終而復始其流溢之氣

內溉藏府外濡腠理

如水之流如日月之行皆言不得無行也陰榮其藏指陰蹻也陽榮

其府指陽蹻也言無
於內溢者溢於外故

分藏府蹻脉皆所必至也流者流曰流溢之氣內溉藏府外濡腠理

謂其不獨在藏也○
太陽陽入陰則交於

按此蹻脉之義陰出陽則交於足少陰陽盛則目張陰盛則目瞑

似皆隨衛氣為言者
脉榮其藏陽脉榮其府也

故陰黃帝曰蹻脉有陰陽何脉當

其數岐伯荅曰男子

數其陽女子數其陰當數者為經

其不當數者為絡也

躡脉陰陽之數男女各有所屬男屬陽當數其陽女屬陰當數其陰

故男子以陽躡為經女子以陰躡為經陽

陰躡為絡躡為絡也

陰陽離合

素問陰陽離合論全〇二十九

黃帝問曰余聞天為陽地為陰日為陽月為陰大小月

三百六十日成一歲人亦應之今三陰三陽不應陰陽

其故何也

此言天地之陰陽無不合於人者如上為陽下為陰前為陽後為陰皆其理也然而三陰

三陽其亦有不相應者故疑以為問

岐伯對曰陰陽者數之可十推之可

百數之可千推之可萬萬之大不可勝數然其要一也

謂陰陽之道合之則一散之則十百千萬亦無非陰陽之變化故於顯微大小象體無窮無不有理存焉然變化雖多其要則一一即理而已是以人之三陰三陽亦豈有不應乎天地者哉○此上二節義又出五運行大

論詳運氣類四天覆地載萬物方生未出地者命曰陰處名曰

陰中之陰天覆地載即陰陽之上下也凡萬物方生者未出乎地處陰之中故曰陰處以陰形而居

陰分故又曰則出地者名曰陰中之陽形成於陰而出陰中之陰也於陽故曰陰中

之陽陽予之正陰為主陽正其氣萬化乃生陰主其質萬形乃成易曰乾知大始坤作

成物大抵陽先陰後陽施陰受陽之輕清未形陰之重濁有質即此之謂○予與同故生因春長

因夏收因秋藏因冬失常則天地四塞

四時陰陽先後有序若失其常

則天地四塞矣四塞者陰陽否隔不相通也○長上聲塞入聲陰陽之變其在人者亦

數之可數

凡如上文者皆天地陰陽之變也其在於人則亦有陰中之陽陽中之陰上下表裏氣數

皆然知其數則無不可數矣數推測也○數字上者去聲下者上聲

帝曰願聞三陰三陽

之離合也

分而言之謂之離陰陽各有其經也并而言之謂之合表裏同歸一氣也

岐伯曰

聖人南面而立前曰廣明後曰太衝

云聖人者崇人道之大宗也南面而

立者正陰陽之向背也廣大也南方者丙丁之位天陽在南故日處之人陽亦在南故七竅處之易曰相見乎

離即廣明之謂且人身前後經脉任脉循腹裏至咽喉上頤循面入目衝脉循背裏出頤頰其輸上在於大杼

分言之則任行乎前而會於陽明衝行乎後而為十二經脉之海故前曰廣明後曰太衝合言之則任衝名位雖異而同出一原通乎表裏此腹背陰陽之離合也

太衝之地名曰少陰少陰之

上名曰太陽太陽根起於至陰結於命門名曰陰中之

陽

衝脉並少陰而行故太衝之地為少陰地者次也少陰之裏則有太陽之表陰氣在下陽氣在上故少

陰經起於小指之下太陽之脉起於目止於足下者為根上之名太陽也太陽之脉起於目止於足下者為根上者為結故曰根於至陰結於命門命門者目也此以太陽而合於少陰故為陰中之陽然離則陰陽各其經合則表裏同其氣是為水藏

中身而上名曰廣明廣明之陰陽之離合也下放此

下名曰太陰太陰之前名曰陽明陽明根起於厲兌名

曰陰中之陽

中身身之中半也中身而上心之所居心屬火而通神明故亦曰廣明心藏之下太

陰脾也故廣明之下名曰太陰太陰之表陽明胃也故太陰之前名曰陽明陽明脉止於足之次指與太陰為

表裏故曰根起於屬兌為陰中之陽此土藏陰陽之離合也厥陰之表名曰少陽少

陽根起於竅陰名曰陰中之少陽

少陽與厥陰為表裏而少陽止於足之小

指次指端故厥陰之表為陰中之少陽也所謂少者以厥陰氣盡陰盡而陽始故曰少陽此木藏陰陽之離合

也 是故三陽之離合也太陽為開陽明為闔少陽為樞

此總三陽為言也太陽為開謂陽氣發於外為三陽之表也陽明為闔謂陽氣蓄於內為三陽之裏也少陽為樞謂陽氣在表裏之間可出入如樞機也然開闔樞者有上下中之分亦如上文出地未出地之義而合乎

天地之氣也。三經者不得相失也。搏而勿浮，命曰一陽。三經者言

陽經也。陽從陽類，不得相失也。其為脈也，雖三陽各有其體，然陽脈多浮，若純於浮，則為病矣。故但欲搏手有力，得其陽和之象，而勿至過浮，是為三陽合。帝曰：願聞一之道，故命曰一陽。此三陽脈之離合也。

三陰岐伯曰：外者為陽，內者為陰。然則中為陰。外者為陽，言表

也。內者為陰，言裏也。然則中為陰，總言屬裏者為三陰。如下文也。其衝在下，名曰太陰。

太陰根起於隱白，名曰陰中之陰。其衝在下，名曰太陰。以太陰居衝脈之上。

也。上文曰：廣明之下，名曰太陰。廣明以心為言，衝脈並腎為言。蓋心脾腎三臟心在南，脾在中，腎在北也。凡此三陽三陰皆首言衝脈者，以衝為十二經脈之海，故先及之，以舉其綱領也。太陰起於足大指，故根於隱白，以

太陰而居陰分故曰陰中之陰此下三陰表裏離合之義俱如前三陽經下後準此太陰之後名

曰少陰少陰根起於涌泉名曰陰中之少陰脾下之後腎之位也

故太陰之後名曰少陰少陰脉起小指之下斜趨足心故根於涌泉穴腎本少陰而居陰分故為陰中之少陰

少陰之前名曰厥陰厥陰根起於大敦陰之絕陽名曰

陰之絕陰腎前之上肝之位也故曰少陰之前名曰厥陰厥陰起於足大指故根於大敦厥盡也絕

亦盡也此陰極之經故曰陰之絕陽又曰陰之絕陰是故三陰之離合也太陰為

開厥陰為闔少陰為樞此總三陰為言亦有內外之分也太陰為開居陰分之表也厥

陰為闔居陰分之裏也少陰為樞居陰分之中也開者主出闔者主入樞者主出入之間亦與三陽之義同

三經者不得相失也搏而勿沉名曰一陰

三經皆陰脈皆沉不得

相失也若過於沉則為病矣故但宜沉搏有神各得其陰脈中和之體是為三陰合一之道故名曰一陰此三

陰脈之離合也陰陽氤氳積傳為一周氣裏形表而為相成也

氤氳一作衝衝言陰陽之氣運動無已也積傳為一周言諸經流傳相積晝夜五十營而為一周也然形以氣

而成氣以形而聚故氣運於裏形立於表交相為用此則陰陽表裏離合相成之道也○愚按本篇所言惟足

經陰陽而不及手經者何也觀上文云天覆地載萬物方生未出地者命曰陰處名曰陰中之陰則出地者名

曰陰中之陽蓋言萬物之氣皆自地而升也而人之腰以上為天腰以下為地言足則通身上下經氣皆盡而

手在其中矣故不必言手也然足為陰故於三陽也言陰中之陽三陰也言陰中之陰然則手經亦有離合其

在陽經當為陽中之陽其在陰經當為陽中之陰可類推矣言足不言手義詳疾病類三十九所當互考

諸經根結開闔病刺

靈樞根結篇○三十

岐伯曰天地相感寒暖相移陰陽之道孰少孰多陰道

偶陽道奇

天地陰陽之道有相感則有相移有相移則有相勝而孰多孰少斯不齊矣欲求其道則

陰陽有奇偶之分奇者數之單如一三五七九是也偶者數之拆如二四六八十是也奇得其清偶得其濁所以成陰陽之象數發於春夏陰氣少陽氣多陰陽不調何補何

寫發於秋冬陽氣少陰氣多陰氣盛而陽氣衰故莖葉

枯槁濕雨下歸陰陽相移何寫何補

四時之氣陰陽各有盛衰人氣隨之

故治法當分補寫

奇邪離經不可勝數不知根結五藏六府折

關敗樞開闔而走陰陽大失不可復取

奇邪非常之邪也離經流傳無

定也下者為根上者為結疾之中人不可勝數而治之者當審根結之本末察藏府之陰陽明開闔樞之淺深出入斯得其要否則敗折其關九鍼之要在終始故

能知終始一言而畢不知終始鍼道咸絕

終始本末也即下文根結

開闔之義又本經有終始篇所載者皆鍼道故不知終始鍼道咸絕見鍼刺類諸章

太陽根於至

陰結於命門命門者目也

足太陽下者根於至陰穴上者結於睛明穴故曰命門者

目也王氏曰命門者藏精光照之所則兩目也

陽明根於厲兌結於頰大頰大

者鉗耳也

足陽明下者根於厲兌上者結於承泣今日頰大者意謂項頰之上大迎穴也大迎在頰

下兩耳之旁故曰鉗耳○鉗音鈐

少陽根於竅陰結於窻籠窻籠者耳

中也

足少陽下者根於竅陰上者結於窻籠耳中者乃手太陽聽宮穴也為手足少陽手太陽之會故足

少陽結於此

太陽為開陽明為闔少陽為樞

開闔樞義見前章所謂開闔樞

者不過欲明內外而分其辨治之法也

故開折則肉節瀆而暴病起矣故

暴病者取之太陽視有餘不足瀆者皮肉宛臙而弱也

折損傷也下同開屬太陽為陽中之表故氣在肌肉為肉節瀆也表主在外邪易入之故多新暴病也凡治開

折之為病者當取太陽之經因其虛實而補瀉之所謂瀆者其皮肉宛臙而弱即消瘦乾枯之謂 闔折

則氣無所止息而痿疾起矣故痿疾者取之陽明視有

餘不足無所止息者真氣稽留邪氣居之也

闔屬陽明為陽中之

裏其氣在內故闔折則氣無所止息也陽明主潤宗筋束骨而利機關故為痿疾凡治闔折之為病者當取陽明之虛實而補寫之真氣稽留謂胃氣不行也故邪居之則氣上逆而痿生於下矣樞折即骨絲

而不安於地故骨絲者取之少陽視有餘不足骨絲者

節緩而不收也所謂骨絲者搖故也當窮其本也

樞屬少陽

為三陽之半表半裏故其氣在筋骨間骨絲者骨節縱緩不收搖動不安於地也凡治樞折之為病者當取少陽經之虛實而補寫之窮其本者窮此三陽所太陰根

在之本或開或闔或樞以治之也○絲搖同

於隱白結於太倉

足太陽下者根於隱白上者結於太倉太倉即中腕任脉穴也

少陰

根於湧泉結於廉泉

足少陰下者根於湧泉上者結於廉泉任脉穴也

厥陰根

於大敦結於玉英絡於臄中

足厥陰下者根於大敦上者結於玉英玉英即玉堂

任脉穴也

太陰為開厥陰為闔少陰為樞

此三陰開闔之義詳如前章

故

開折則倉廩無所輸膈洞膈洞者取之太陰視有餘不

足故開折者氣不足而生病也

開屬太陰主於脾也輸運行也膈膈塞也洞如

邪氣藏府病形篇曰洞者食不化下噎還出也脾傷則運行失職而為是病故當取之太陰視其有餘不足以

治之然脾雖陰經而開折者則亦陰中之陽氣不足而生病也

闔折即氣絕而喜悲

者取之厥陰視有餘不足

闕屬厥陰主於肝也肝傷即氣絕於裏而肺氣乘之則為

悲故闕折者當取足厥陰視其有餘不足而治之

樞折則脉有所結而不通不

通者取之少陰視有餘不足有結者皆取之不足

樞屬少陰

主於腎也腎傷則脉有所結而下焦有所不通故樞折者當取足少陰視其有餘不足而治之然脉有結者皆不足之所致

○足太陽根於至陰溜於京骨注於崑崙入於

天柱飛揚也

此下言手足三陽之盛絡凡治病者所當取也足太陽之至陰井也京骨原也崑崙

經也天柱在頭飛揚在足皆本經之當取者後放此溜良救切

足少陽根於竅陰溜

於邱墟注於陽輔入於天容光明也

足少陽之竅陰井也邱墟原也陽輔

經也天容乃手太陽經穴此在頭者當為天衝在足者為光明也

足陽明根於厲兌溜

於衝陽注於下陵入於人迎豐隆也

足陽明之厲兌井也衝陽原也下陵

當作解谿經也人迎在頭豐隆在足

手太陽根於少澤溜於陽谷注於小

海入於天窻支正也

手太陽之少澤井也陽谷經也小海合也天窻在頭支正在手

手

少陽根於關衝溜於陽池注於支溝入於天牖外關也

手少陽之關衝井也陽池原也支溝經也天牖在頸外關在手

手陽明根於商陽溜於

合谷注於陽谿入於扶突偏歷也

手陽明之商陽井也合谷原也陽谿經也

扶突在頸偏歷在手

此所謂十二經者盛絡皆當取之

此六陽盛絡之當取

也所謂十二經者以手足左右共言之

陰陽內外病生有紀

素問皮部論全○三十一

黃帝問曰余聞皮有分部脉有經紀筋有結絡骨有度量其所生病各異別其分部左右上下陰陽所在病之

始終願聞其道

皮有分部言人身皮膚之外上下前後各有其位而經絡筋骨亦各有其次如

經脉經筋骨度脉度骨空等篇皆詳明其道而凡生病者亦各因其部而證有異也

岐伯對曰欲

知皮部以經脉為紀者諸經皆然

皮之有部紀以經脉故當因經以察部也

陽明之陽名曰害蜚

害損也蜚古飛字陽明之陽釋陽明之義也下準此害蜚者當與後

心主之陰名曰害肩者相對參看按至真要等論曰陽明何謂也曰兩陽合明也厥陰何也曰兩陰交盡也蓋三陽之陽惟陽明為盛故曰合明三陰之陰惟厥陰為盛故曰交盡此云蜚者飛揚也言陽盛而浮也凡盛極者必損故陽之盛也在陽明陽之損也在陽明是以陽明之陽名曰害蜚如陰陽別論曰所謂陰者真藏也見則為敗敗必死也所謂陽者胃腕之陽也又如平人氣象論曰人無胃氣曰逆逆者死脉無胃氣亦死總以

陽衰為言是即害蜚之類上下同法視其部中有浮絡者皆陽明之

絡也

上者言手大腸經也下者言足胃經也二經皆屬陽明故視察之法相同凡其上下部中有浮絡之

見者皆陽明之絡也

其色多青則痛多黑則痺黃赤則熱多白則

寒五色皆見則寒熱也絡盛則入客於經陽主外陰主

內此因陽明浮絡之色而察陽明經病之異也凡病之始生必自淺而後深故絡脉之邪盛而後入於經脉

絡為陽故主外經為陰故主內如壽夭剛柔篇曰內有陰陽外亦有陰陽在內者五臟為陰六腑為陽在外者筋骨為陰皮膚為陽也凡後六經之上○少陽之陽名下五色之為病其陰陽內外皆同此

曰樞持

樞樞機也持主持也少陽居三陽表裏之間如樞之運而持其出入之機故曰樞持

上下

同法視其部中有浮絡者皆少陽之絡也絡盛則入客於經故在陽者主內在陰者主出以滲於內諸經皆然

上者手少陽三焦經也下者足少陽膽經也凡二經部中有浮絡之見於外者皆少陽之絡也其五色為病皆與陽明者同然邪必由絡入經故其在陽者主內言自陽分而入於內也在陰者主出以滲於內言出於經而

滲入於藏也此邪氣之序諸經之皆然者。按出字義非外出之謂說文曰出進也象草木益滋上出達也觀

下文少陰經云其出者從陰內注於骨與此出字皆同。○太陽之陽名曰關樞關衛

固也少陽為三陽之樞展布陽氣於中太陽則衛固其氣而約束於外故曰關樞陰陽離合論曰太陽為開辭

異而義同也。上下同法視其部中有浮絡者皆太陽之絡也

絡盛則入客於經上者手太陽小腸經下者足太陽膀胱經二經色病皆如前○少

陰之陰名曰樞儒說文柔也王氏曰順也少陰為三陰開闔之樞而陰氣柔順故名曰樞

儒上下同法視其部中有浮絡者皆少陰之絡也絡盛

則入客於經其入經也從陽部注於經其出者從陰內

注於骨

上者手少陰心經下者足少陰腎經二經色病俱如前其入也從陽部注於經即自絡入經之

謂其出者從陰內注於骨謂出於經而入於骨即前少陽經云在陰者主出以滲於內之義

○心主

之陰名曰害肩

心主之陰手厥陰之陰也厥陰者兩陰交盡陰之極也肩任也載也陽主乎運

陰主乎載陰盛之極其氣必傷是陰之盛也在厥陰陰之傷也亦在厥陰故曰害肩然則陽明曰害蜚此曰害

肩者即陰極陽極之義

上下同法視其部中有浮絡者皆心主之

絡也絡盛則入客於經

上者手厥陰心主也下者足厥陰肝經也二經色病皆如前此

但言心主而又曰上下同法則肝經在所遺耳

○太陰之陰名曰關蟄

關者固於外蟄

者伏於中陰主藏而太陰衛之故曰關蟄此亦太陰為開之義

上下同法視其部中有

浮絡者皆太陰之絡也絡盛則入客於經

上者手太陰肺經下者足

太陰脾經二經色病皆如前

凡十二經絡脉者皮之部也

浮絡見於皮故曰皮

之部○是故百病之始生也必先於皮毛邪中之則腠理

開開則入客於絡脉留而不去傳入於經留而不去傳

入於府廩於腸胃

廩積也聚也○中去聲

邪之始入於皮也泝然

起毫毛開腠理

泝然豎起也寒慄貌腠理膚腠之文也○泝音素逆流曰泝其入於

絡也則絡脉盛色變

絡脉盛色變異於常也即上文五色為病之義

其入客於

經也則感虛乃陷下

感虛乃陷下言邪所客者必因虛乃深也

其留於筋骨

之間寒多則筋攣骨痛熱多則筋弛骨消肉燂腠破毛

直而敗

攣急也弛縱緩也消枯竭也燂銷燂也寒多則血脈凝滯故為筋攣骨痛熱多則真陰散亡故

為筋弛骨消等證腠破者反側多而熱潰肌肉也毛直而敗者液不足而皮毛枯槁也○攣閭員切又去聲弛

音天燂收勻切腠助丸切

帝曰夫子言皮之十二部其生病皆何如

岐伯曰皮者脉之部也

十二經脉各有其部察之於皮其脉可知故曰皮者脉之部

邪客於皮則腠理開開則邪入客於絡脉絡脉滿則注

於經脉經脉滿則入舍於府藏也故皮者有分部不與

而生大病也帝曰善

經脉既有分部則邪之中人可視而知當速去之若不預為之治則

邪將日深而變生大病也與預同

人之四海

靈樞海論全
○三十二

黃帝問於岐伯曰余聞刺法於夫子夫子之所言不離於營衛血氣夫十二經脈者內屬於府藏外絡於肢節夫子乃合之於四海乎岐伯荅曰人亦有四海十二經水經水者皆注於海海有東西南北命曰四海黃帝曰以人應之奈何岐伯曰人有髓海有血海有氣海有水穀之海凡此四者以應四海也

十二經水義見後四海者百川之宗人亦有四

海則髓血氣水穀
之海也詳如下文

黃帝曰遠乎哉夫子之合人天地四

海也願聞應之奈何岐伯荅曰必先知陰陽表裏榮

輸所在四海定矣

陰陽者經脈之陰陽也表裏者藏府
之內外也榮輸義詳前十四知此數

者則經絡之道明而四海可
定矣。輸腧俞本經皆通用

黃帝曰定之奈何岐伯曰

胃者水穀之海其輸上在氣街下至三里

人受氣於水
穀水穀入口

藏於胃以養五藏氣故五藏六府之氣味皆出於胃而
胃為水穀之海也其胃氣運行之輸上者在氣街即氣
衝穴下者至三
里在膝下三寸衝脈者為十二經之海其輸上在於大

杼下出於巨虛之上下廉

此即血海也衝脈起於胞中
其前行者並足少陰之經俠

膈上行至胃中而散其後行者上循背裏為經絡之海其上行者出於頤頰下行者出於足故其輸上在於足太陽之大杼下在於足陽明之巨虛上下廉。愚按動輸篇曰胃為五藏六府之海太陰陽明論曰陽明者表也五藏六府之海也逆順肥瘦篇曰夫衝脈者五藏六府之海也五藏六府皆稟焉此篇言衝脈者為十二經之海若此諸論則胃與衝脈皆為十二經之海亦皆為五藏六府之海又將何以辨之故本篇有水穀之海血海之分水穀之海者言水穀盛貯於此營衛由之而生也血海者言受納諸經之灌注精血於此而畜藏也此固其辨矣及考之痿論曰陽明者五藏六府之海主潤宗筋宗筋主束骨而利機關也衝脈者經脈之海也主滲灌谿谷與陽明合於宗筋陰陽總宗筋之會會於氣街而陽明為之長蓋陽明為多血多氣之府故主潤宗筋而利機關衝脈為精血所聚之經故主滲灌谿谷且衝脈起於胞中並少陰之大絡而下行陽明為諸經

之長亦會於前陰故男女精血皆由前陰而降者以二經血氣總聚於此故均稱為五藏六府十二經之海誠有非他經之可比也又衝脈

義詳前二十七所當互考

膻中者為氣之海其輸上

在於柱骨之上下前在於人迎

膻中胃中也肺之所居諸氣者皆屬於肺是為

真氣亦曰宗氣宗氣積於胃中出於喉嚨以貫心脈而行呼吸故膻中為之氣海柱骨項後天柱骨也憂恚無言論曰頤頤者分氣之所泄也故氣海運行之輸一在頤頤之後即柱骨之上下謂督脈之瘡門大椎也一在

頤頤之前謂足腦為髓之海其輸上在於其蓋下在風陽明之人迎也

府凡骨之有髓惟腦為最巨故諸髓皆屬於腦而腦為髓之海蓋腦蓋骨也即督脈之顛會風府亦督脈穴

此皆髓海之上黃帝曰凡此四海者何利何害何生何

下前後輸也

敗岐伯曰得順者生得逆者敗知調者和不知調者害

凡此四海俱有順逆得順者知所養者也故生不知所養則逆矣故敗黃帝曰四海之逆

順奈何岐伯曰氣海有餘者氣滿胸中悒息面赤氣海

不足則氣少不足以言

氣有餘者邪氣實也氣不足者正氣虛也下放此氣海在胸中

而屬陽故氣實則胸中悒悶喘息面熱面赤聲由氣發氣不足則語言輕怯不能出聲脉要精微論曰言而微終日乃復言者此奪氣也○悒母本切又音瞞血海有餘則常想其身大怫然

不知其所病血海不足亦常想其身小狹然不知其所

病形以血充故血有餘則常想其身大怫怫鬱也重滯不舒之貌血不足則常想其身小狹隘狹也索然不

廣之貌此皆血海不調之為病病在血者
徐而不顯故茫然不覺其所病○佛音佛水穀之海有

餘則腹滿水穀之海不足則饑不受穀食

有餘者水穀留滯於中故

腹為脹滿不足者脾虛則不能運
胃虛則不能納故雖饑不受穀食髓海有餘則輕勁多

力自過其度髓海不足則腦轉耳鳴脛痠眩冒目無所

見懈怠安臥

髓海充足即有餘也故身輕而勁便利多力自有過人之度而無病也若其不足則

在上者為腦轉以腦空而運似旋轉也為耳鳴以髓虛者精必衰陰虛則耳鳴也為脛痠髓空無力也為眩冒忽不知人為目無所見怠惰安臥皆以髓為精類精衰則氣去而諸證以見矣黃帝曰余已聞

逆順調之奈何岐伯曰審守其輸而調其虛實無犯其

害順者得復逆者必敗黃帝曰善

審守其輸謂審察其輸穴如上文也無犯

其害無盛盛無虛虛也順者得復逆者必敗切戒夫天時人事皆宜慎而不可忽也

十二經水陰陽刺灸之度

靈樞經水篇全○三十三

黃帝問於岐伯曰經脉十二者外合於十二經水而內

屬於五藏六府夫十二經水者其有大小深淺廣狹遠

近各不同五藏六府之高下小大受穀之多少亦不等

相應奈何

人有經脉十二手足之三陰三陽也天地有經水十二清渭海湖汝澗淮潔江河濟漳也

經脉有高下小大不同經水有廣狹遠近不同故人與天地皆相應也

夫經水者受水而

行之五藏者合神氣魂魄而藏之六府者受穀而行之
受氣而揚之經脉者受血而營之合而以治奈何刺之

深淺灸之壯數可得聞乎

經水者受水而行於地也人之五藏者所以藏精神魂魄

者也六府者所以受水穀化其精微之氣而布揚於內外者也經脉猶江河也血猶水也江河受水而經營於天下經脉受血而運行於周身合經水之道以施治則其源流遠近固自不同而刺之淺深灸之壯數亦當有所辨

岐伯答曰善哉問也天至高不可度地至廣不可
量此之謂也且夫人生於天地之間六合之內此天之
高地之廣也非人力之所能度量而至也若夫八尺之

士皮肉在此外可度量切循而得之其死可解剖而視之其藏之堅脆府之大小穀之多少脉之長短血之清濁氣之多少十二經之多血少氣與其少血多氣與其皆多血氣與其皆少血氣皆有大數其治以鍼艾各調其經氣固其常有合乎

天至高地至廣難以測度人生天地六合之間雖氣數亦與天

地相合似難測識然而八尺之士有形可據其生也可度量其外其死也可剖視其內故如藏之堅脆則見於本藏篇府之大小穀之多少則見於平人絕穀篇脉之長短則見於脉度篇血之清濁則見於根結篇十二經血氣多少各有大數則見於血氣形志等篇此其鍼艾淺深多寡故各有所宜如下文也黃帝曰余

聞之快於耳不解於心願卒聞之岐伯荅曰此人之所

以參天地而應陰陽也不可不容察

人與天地相參所以為三也應陰陽義如

下○足太陽外合於清水內屬於膀胱而通水道焉

此下

以經脈配經水蓋欲因其象以辨血氣之盛衰也足太陽經內屬膀胱是經多血少氣故外合於清水按清水

即大小清河輿地圖志曰大清河即濟水之故道自兗州府東北流出長清等縣由利津等界入海小清河一

名灤水源發濟南府趵突泉經章邱受漯河之水由新城入海禹貢曰浮於濟漯達於河者必此河也今俱屬

山東省○足太陽外合於渭水內屬於膽

足少陽經內屬於膽常少

血多氣故外合於渭水按地志渭水出隴西郡渭源縣西南鳥鼠山至同州入河今俱隸陝西省渭源屬臨洮

府同州屬

○足陽明外合於海水內屬於胃

足陽明經內屬於胃

常多氣多血為五藏六府之海故外合於海水按海包地外地在海中海水周流實一而已今云四海者以東南西北而分言之也故東曰渤海○足太陰外合於湖

水內屬於脾

足太陰經內屬於脾常多氣少血九鍼論云多血少氣故外合於湖水湖即五湖謂

彭蠡洞庭巢湖太湖鑑湖也五湖皆在東南周禮職方氏揚州澤藪曰具區

○足少陰外合

於汝水內屬於腎

足少陰經內屬於腎常少血多氣故外合於汝水按汝水源出汝州天息

山由西平上蔡汝陽等縣入淮今屬河南省汝寧府

○足厥陰外合於澗水內屬

於肝

足厥陰經內屬於肝常多血少氣故外合於澗水按澗水即澗水源出新安縣東北白石山由澗池

新安之間入洛而洛入於河也
今屬河南省河南府○澠音免○手太陽外合淮水內

屬小腸而水道出焉

手太陽經內屬小腸常多血少氣故外合於淮水按淮水出唐州桐

栢山繞徐揚之界東入於海今屬河南省南陽府改名唐縣

○手少陽外合於漯水

內屬於三焦

於手少陽經內屬三焦常少血多氣故外合於漯水按漯水源出章邱長白山入小清

河歸海今屬山東省濟南府詳見前足太陽經條下○漯音磊又太合切

○手陽明外合於

江水內屬於大腸

手陽明經內屬大腸常多血多氣故外合於江水按江源出西蜀之岷山

今屬四川省成都府茂州其長萬里至吳地入海此即所以限南北也

○手太陰外合於

河水內屬於肺

手太陰經內屬於肺常多氣少血肺為藏府之蓋其經最高而朝百脉故外合

於河水按河有兩源一出蔥嶺一出於闐合流東注蒲昌海潛行地中南出積石以入中國一說黃河源出星宿海在中國西南直四川馬湖府之正西三千餘里雲南麗江府之西北一千五百餘里合諸流自西而東行二十日至崑崙統崑崙之西南折而東北又折而西北又轉而東北又行二十餘日歷雲中九原至大寧始入中國是為○手少陰外合於濟水內屬於心

手少陰經內屬於心

常少血多氣故外合於濟水按江源初發王屋山下曰沈水既見而伏復出為濟濟截河而流不混其清故又曰清濟流雖微而獨尊故居四瀆之一今屬河南省懷慶府濟源縣○手心主外合於漳

水內屬於心包

手厥陰經內屬心主常多血少氣故外合於漳水按漳水有二一出上黨沽縣

大毘谷曰清漳一出上黨長子縣發鳩山曰濁漳皆入於河今俱隸山西省沽縣即樂平縣屬太原府長子縣

屬路安府。以上經水經脈俱有圖。凡此五藏六府十二經水者外有源

泉而內有所稟此皆內外相貫如環無端人經亦然故

天為陽地為陰腰以上為天腰以下為地故海以北者

為陰湖以北者為陰中之陰漳以南者為陽河以北至

漳者為陽中之陰潔以南至江者為陽中之太陽此一

隅之陰陽也所以人與天地相參也。此以經水經脈相參而合乎天地之

陰陽也夫經水者河海行於外而源泉出於地經脈者

脈絡行於表而藏府主於中故內外相貫如環無端也

然經水經脈各有陰陽之分如天以輕清在上故天為

陽地以重濁在下故地為陰六微旨大論曰天樞之上

天氣主之天樞之下地氣主之人身應天地故腰以上
為天屬陽腰以下為地屬陰而經脈藏府之應於經水
者亦然如海合於胃湖合於脾脾胃居於中州腰之分
也海以北者為陰就胃府言自胃而下則小腸膽與膀
胱皆屬府居胃之北而為陰也湖以北者為陰中之陰
就脾藏言自脾而下則肝腎皆屬藏居脾之北而為陰
中之陰也腰以上者如漳合於心主心主之上惟心與
肺故漳以南者為陽也河合於肺肺之下亦惟心與心
主故河以北至漳者為陽中之陰也凡此皆以上南下
北言陰陽耳然更有其陽者則藏府之外為三焦三焦
之外為皮毛本藏篇曰肺合大腸大腸者皮其應今三
焦合於漂水大腸合於江水故曰漂以南至江者為陽
中之太陽也此天地人相合之道天地至廣而茲所言
合者特舉中國之水耳故曰此一隅之陰陽也所以人
與天地相參也黃帝曰夫經水之應經脈也其遠近淺深水血

之多少各不同合而以刺之奈何岐伯荅曰足陽明五

藏六府之海也其脉大血多氣盛熱壯刺此者不深弗

散不留不寫也

用鍼之法諸經不同故入有淺深分寸可察留有遲速呼吸可紀各隨經脉之

淺深遠近而施其宜也十二經中惟足陽明之脉最大而多氣多血其邪盛者熱必壯凡刺此者不深入則邪弗能散不久留則邪不能寫數詳下文足陽明刺深六分留十呼足太陽

深五分留七呼足少陽深四分留五呼足太陰深三分

留四呼足少陰深二分留三呼足厥陰深一分留二呼

此足六經之刺度也出氣曰呼入氣曰吸曰十呼七呼之類則吸在其中矣蓋一呼即一息也但刺有補寫之

異呼吸有先後之分故凡用寫者必候病者之吸而入
鍼再吸轉鍼候呼出鍼凡用補者必因其呼而入鍼再
呼轉鍼候吸出鍼故鍼賦曰補者先呼後吸寫者先吸
後呼正此義也後世令病人咳嗽以代呼收氣以代吸
氣有出入亦與
呼吸相同耳
手之陰陽其受氣之道近其氣之來疾

其刺深者皆無過二分其留皆無過一呼

手之六經皆在於上肌肉

薄而谿谷淺故刺不宜深經脈短而氣易泄故留不宜久

其少長大小肥瘦以心撩

之命曰法天之常

刺法大槩雖如上文所云然人有不同如少者盛長者衰大者廣小者狹

肥者深瘦者淺有不可以一例論者故當以心撩之蓋以天道無窮造化莫測醫當效之則妙用無方命曰法天之常也故梅孤高氏曰鍼之留幾呼雖有是言然病有淺深病淺者如經言可也病甚則邪盛邪氣吸鍼轉

鍼尚難况強出乎必俟其正氣之來徐而虛然後出鍼
病氣斯去固不可以經言為執也是即心撩之法少長
大小肥瘦義詳鍼刺類二十〇撩音遼
又上去二聲通俗文理亂謂之撩理 灸之亦然灸而

過此者得惡火則骨枯脉濇刺而過此者則脫氣

刺有淺深

遲速之度灸有壯數大小之度刺有補寫灸亦有補寫
凡以火補者毋吹其火以火寫者疾吹其火血實氣壅
病深肉厚者宜寫陽衰氣怯元虛體弱者宜補背腹股
髀道遠勢緩者宜大而多頭面臂臑羸弱幼小者宜小
而少此其大法也設不知此而灸過其度非惟無益反
以害之是惡火也故灸失其宜則骨枯脉濇刺失其宜
則脫泄元氣均 黃帝曰夫經脉之小大血之多少膚之
致人之天殃矣

厚薄肉之堅脆及腠之大小可為量度乎

言其可測否也岐伯

荅曰其可為度量者取其中度也不甚脫肉而血氣不
衰也若夫度之人瘠瘦而形肉脫者惡可以度量刺乎
審切循捫按視其寒溫盛衰而調之是謂因適而為之
真也中度言中人之常度也其肌肉不至脫氣血不甚
衰者乃可為常法之準則若肌體瘠而形肉脫不
得以程度拘泥也故必當審切循摸隨其盛衰而善調
之然則上文所云者特為後學設規矩耳而因其情適
其宜必出於心應於手斯得
病治之真訣矣。瘠通作消

手足陰陽繫日月

靈樞陰陽繫日月
篇全。三十四

黃帝曰余聞天為陽地為陰日為陽月為陰其合之於

人奈何岐伯曰腰以上為天腰以下為地故天為陽地為陰故足之十二經脉以應十二月月生於水故在下者為陰手之十指以應十日日主火故在上者為陽

日為

陽精故日主火月為陰精故月生於水日為陽陽數五五者中數之奇也二五為十故旬有十日而紀日者所以作十干也月為陰陰數六六者中數之偶也二六一十二故歲有十二月而紀月者所以作十二支也其合於人則腰以上為天腰以下為地手在腰之上故屬陽而左右共十指所以應十日也足在腰之下故屬陰而左右共十二經所以應十二月也

黃帝曰合之於脉奈何岐伯曰寅者

正月之生陽也主左足之少陽未者六月主右足之少

陽卯者二月主左足之太陽午者五月主右足之太陽
辰者三月主左足之陽明巳者四月主右足之陽明此
兩陽合於前故曰陽明申者七月之生陰也主右足之
少陰丑者十二月主左足之少陰酉者八月主右足之
太陰子者十一月主左足之太陰戌者九月主右足之
厥陰亥者十月主左足之厥陰此兩陰交盡故曰厥陰

此言十二支為陰足亦為陰故足經以應十二月也然
一歲之中又以上半年為陽故合於足之六陽下半年
為陰故合於足之六陰人之兩足亦有陰陽之分則左
為陽右為陰以上下半年之陰陽而合於人之兩足則

正二三為陽中之陽陽之進也故正月謂之生陽陽先
於左而後於右故正月主左足之少陽二月主左足之
太陽三月主左足之陽明四五六為陽中之陰陽漸退
陰漸生也故四月主右足之陽明五六月主右足之太陽
六月主右足之少陽然則一歲之陽會於上半年之辰
巳兩月是為兩陽合於前故曰陽明陽明者言陽盛之
極也七八九為陰中之陰陰之進也故七月謂之生陰
陰先於右而後於左故七月主右足之少陰八月主右
足之太陽九月主右足之厥陰十月十一月十二月為陰
中之陽陰漸退陽漸生也故十月主左足之厥陰十一
月主左足之太陽十二月主左足之少陰然則一歲之
陰會於下半年之戌亥兩月是為兩陰交盡故曰厥陰
厥者盡也陰極於是也此總計一歲陰陽之盛衰故正
與六合二與五合三與四合而陽明合於前也七與十
二合八與十一合九與十合而厥陰合於後也
非如六氣厥陰主風木陽明主燥金者之謂

甲主左

手之少陽已主右手之少陽乙主左手之太陽戊主右手之太陽丙主左手之陽明丁主右手之陽明此兩火并合故為陽明庚主右手之少陰癸主左手之少陰辛

主右手之太陰壬主左手之太陰

此言十干為陽手亦為陽故手經以應十

日也十日之中居前者木火土為陽居後者金水為陰陽以應陽經陰以應陰經亦如足之與月也故甲主左手之少陽乙主左手之太陽丙主左手之陽明已主右手之少陽戊主右手之太陽丁主右手之陽明十干之火在於丙丁此兩火并合故為陽明也自己以後則庚辛壬癸俱金水為陰故庚主右手之少陰辛主右手之太陰癸主左手之少陰壬主左手之太陰第足言厥陰而手不言者蓋足以歲言歲氣有六手以旬言旬惟五

行而已且手厥陰者心包絡也其藏附心故不言耳足手陰陽俱有圖故足之陽者陰中

之少陽也足之陰者陰中之太陰也手之陽者陽中之

太陽也手之陰者陽中之少陰也腰以上者為陽腰以

下者為陰

此即兩儀四象之道陰中無太陽陽中無太陰故足為陰而陰中之陽惟少陽耳陰中之

陰則太陰也手為陽陽中之陰惟少陰耳陽中之陽則太陽也故以腰之上下分陰陽而手配十干足配十二

支而三陰三陽各有所屬焉可見腰以上者陽中亦有陰腰以下者陰中亦有陽也其於五藏也

心為陽中之太陽肺為陽中之少陰肝為陰中之少陽

脾為陰中之至陰腎為陰中之太陰

五藏以心肺為陽故居膈上而屬手

經肝脾腎為陰故居膈下而屬足經然陰陽之中又有陰陽之分亦如上節足手之義故金匱真言論曰陽中之陽心也陽中之陰肺也陰中之陰腎也陰中之陽肝也陰中之至陰脾也義與此同詳陰陽類五黃帝

曰以治之奈何岐伯曰正月二月三月人氣在左無刺

左足之陽

人氣所在不可以刺恐傷其王氣也正月在左足之少陽二月在左足之太陽三月在左

足之陽明刺所當忌也

四月五月六月人氣在右無刺右足之陽

四月在右足之陽明五月在右足之太陽六月在右足之少陽刺所當忌

七月八月九月人

氣在右無刺右足之陰

七月在右足之少陰八月在右足之太陰九月在右足之厥陰

皆當忌刺

十月十一月十二月人氣在左無刺左足之陰

十月

在左足之厥陰十一月在左足之太陰十二月在左足之少陰皆當忌刺。○愚按本篇但言人氣在足之刺忌而不言手者蓋言足之十二支則手之十干可類推矣故甲乙丙在左手之少陽太陽陽明已戊丁在右手之少陽太陽陽明庚辛在右手之少陰太陰黃帝曰五行

以東方為甲乙木王春春者蒼色主肝肝者足厥陰也

今乃以甲為左手之少陽不合於數何也

五行以東方甲乙為木而

王於春在色為蒼在藏為肝在經為足厥陰今上文以為左手之少陽是不合於數也故有此問

岐伯

曰此天地之陰陽也非四時五行之以次行也且夫陰陽者有名而無形故數之可十離之可百散之可千推

之可萬此之謂也

天地之陰陽言變化之多也夫干支手足者分上下也左右少太者辨盛

衰也今甲為天干之首故當主左手之少陽非四時五行之次厥陰風木之列也且夫陰陽之道有名無形可以十可以百可以千可以萬左右逢原無非其道故不可以執一論之。數之可十四句又見前二十九及運

氣類

四

身形應九野○天忌

靈樞九鍼論三十五

黃帝曰願聞身形應九野奈何

九野即八卦九宮之位也

岐伯曰請

言身形之應九野也左足應立春其日戊寅巳丑

此左足應

艮宮東北方也立春後東北節氣也寅丑二日東北日辰也故其氣皆應於艮宮然乾坤艮巽四隅之宮也震

兌坎離四正之宮也土王於四季故四隅之左脇應春

宮皆應戊巳而四正之宮各有所王後放此

分其日乙卯此左脇應震宮也左脇正東方也春分後正東節氣也乙卯日東方之正也故其氣

皆相

應左手應立夏其日戊辰巳巳

此左手應巽宮東南方也立夏後東南節

氣也戊辰巳巳東南日辰也故其氣皆相應

膺喉首頭應夏至其日丙午

前

曰膺膺喉首頭應離宮正南方也夏至後正南節氣也丙午日南方之正也故其氣皆相應

右手應

立秋其日巳未戊申

此右手應坤宮西南方也立秋後西南節氣也巳未戊申西南日辰

也故其氣皆相應

右脇應秋分其日辛酉

此右脇應兌宮正西方也秋分後正西節

氣也辛酉日西方之正也故其氣皆相應

右足應立冬其日戊戌巳亥

此右足應

乾宮西北方也立冬後西北節氣也戊戌己亥西北日辰也故其氣皆相應

腰尻下竅應冬

至其日壬子

此腰尻下竅應坎宮正北方也冬至後正北節氣也壬子日北方之正也故其氣皆

相應六府膈下三藏應中州其大禁大禁太一所在之日

及諸戊己

此膈下應中宮也膈下腹中也三藏肝脾腎也六府三藏俱在膈下腹中故應中州其大

禁者在太一所在之日及諸戊己日蓋戊己屬土雖寄王於四季而實為中宮之辰故其氣應亦如太一。按太一義出九宮八風篇詳運氣類三十五如冬至居叶蟄宮四十六日立春居天留宮四十六日之類是也但彼止言八宮而不及中宮此節乃言中宮太一所在之日意者於八宮太一數中凡值四季土王用事之日即中宮太一之期也惟博者正之凡此九者善候八正所在之處也九九宮

風也八正即八方王氣之所在太一所主左右上下身
之謂也九宮定則八正之氣可候矣

體有癱腫者欲治之無以其所直之日潰治之是謂天

忌日也

天地八正之方即人身氣王之所故所主左右上下凡身體有癱腫之處勿以所直之日潰治

之恐其走泄元氣以犯天忌不吉也○此當與九宮八風及賊風邪氣乘虛傷人二章參閱詳運氣類三十五

六仍有圖在圖翼二卷

類經卷九